

T3150/4314.81

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
JAN 15 1940

4

太平縣志卷第六

人物志

維嶽降神生甫及申山川之鍾蔚爲國瑞原不擇乎隰區也作人物志

十步之間必有茂草百里之內必有賢人其說信矣晉多君子而平爲較著然循名責實非有瑰奇卓越彪炳往冊及近代蓋棺論定未敢輕綴之人物之列夫亦曰其來也祥麟瑞鳳之見其去也夏鼎周彝之歟爾他如節孝隱逸凡有一善可述俱分載別傳中

聖賢

唐伯益 按書帝曰疇若予土下草木鳥獸僉曰益哉

帝曰俞咨益汝作朕虞益拜稽首讓於朱虎熊羆帝

曰俞往哉汝諧今汾水之東北社村有墓實羸秦趙

宋之祖

隋王通 字仲淹所居鄉曰萬春鄉在龍門溝土龕中

篤學六年慨然有濟世之志仁壽三年詣闕獻太平

十二策文帝不能用歸教授於河汾之間弟子自遠

至者甚衆做古續經作中說累徵不仕大業末卒於

家門人私謚曰文中子明嘉靖九年從祀孔廟有文

中子世家其弟子杜淹所撰也附紀 文中子王氏諱通字仲淹其先

漢徵君霸潔身不仕十八代祖殷雲中太守家于祁

以春秋周易訓鄉里為子孫資十四代祖述克播前

烈著春秋義統公府辟不就九代祖寓遭愍懷之難

遂東遷焉寓生罕罕生秀皆以文學顯秀生二子長

日謨次日則謨以將畧升則以儒術進

則字彥法即文中子六代祖也仕宋歷太僕國子博

士常嘆曰先君所貴者禮樂不學者軍旅兄何為哉

遂究道德考經籍謂功業不可以小成也故卒為洪

儒卿相不可以苟處也故終為博士曰先師之職也

不可墜故江左號王先生受其道曰王先生業於是

大稱儒門世濟厥美先生生江州府君煥煥生虬虬

始北事魏太和中為并州刺史家河汾曰晉陽穆公

穆公生同州刺史彥口同州府君彥生濟州刺史一

曰安康獻公安康獻公生銅川府君諱隆字伯高文

中子之父也傳先生之業教授門人千餘隋開皇初以國子博士待詔雲龍門時國家新有揖讓之事方以恭儉定天下帝從容謂府君曰朕何如主也府君曰陛下聰明神武得之于天發號施令不盡稽古雖負堯舜之資終以不學爲累帝默然曰先生朕之陸賈也何以教朕府君承詔著興衰要論七篇每奏帝稱善然未甚達也府君出爲昌樂令遷猗氏銅川所治著稱秩滿退歸遂不仕開皇四年文中子始生銅川府君筮之遇坤之師獻兆于安康獻公獻公曰素王之卦也何爲而來地二化爲天一上德而居下位能以衆正可以王矣雖有君德非其時乎是子必能通天下之志遂名之曰通開皇九年江東平銅川府君嘆曰王道無叙天下何爲而一乎文中子侍側十歲矣有憂色曰通開古之爲邦有長久之策故夏殷以下數百年四海常一統也後之爲邦行苟且之政故魏晉以下數百年九州無定主也上失其道民散久矣一彼一此何常之有夫子之嘆蓋憂皇綱不振生人勞於聚斂而天下將亂乎銅川府君異之曰其

然乎遂告以元經之事文中子再拜受之十八年銅川府君宴居歌伐木而召文中子子矍然再拜敢問夫子之志何謂也銅川府君曰爾來自天子至庶人未有不資友而成者也在三之義師居一焉道喪以來斯廢久矣然何常之有小子勉旃翔而後集文中子於是四方之志蓋受書於東海李育學詩於會稽夏璜問禮於河東關子明正樂於北平霍汲考易於族父仲華不解衣者六歲其精志如此仁壽三年文中子冠矣慨然有濟蒼生之心西遊長安見隋文帝帝坐太極殿召見因奏太平策十有二策尊王道推霸畧稽今驗古慨恢乎運天下於指掌矣帝大悅曰得生幾晚矣天以生賜朕也下其議於公卿公卿不悅時將有蕭牆之釁文中子知謀之不用也作東征之歌而歸曰我思國家兮遠遊京畿一逢帝王兮降禮布衣遂懷古人之心今將興太平之基時異事變兮志乖願違吁嗟道之不行兮垂翅東歸皇之不斷兮勞身西飛帝聞而再徵之不至四年帝崩大業元年一徵又不至辭以疾謂所親曰我周人也家于

祁永嘉之亂蓋東遷焉高祖穆公始事魏魏周之際  
 有大功於生人天子錫之地始家于河汾故有墳隴  
 於茲四代矣茲土也其人憂深思遠乃有陶唐氏之  
 遺風先君之所懷也有敝廬在茅簷土堦撮如也道  
 之不行欲安之乎退志其道而已乃續詩書正禮樂  
 修元經讚易道九年而六經大就門人自遠而至河  
 南董常太山姚義京兆杜淹趙郡李靖南陽程元扶  
 風竇威河東薛收中山賈瓊清河房齡鉅鹿魏徵  
 太原溫大雅潁川陳叔達等咸稱師北面受王佐之  
 道焉如往來受業者不可勝數蓋千餘人隋季文中  
 子之教興於河汾雍雍如也大業十年尚書召署蜀  
 郡司戶不就十一年以著作郎國子博士徵並不至  
 十三年江都難作子有疾召薛收謂曰吾夙顏回稱  
 孔子之命曰歸休乎始夫子召我也何必永厥齡吾  
 不起矣寢疾七日而終門弟子數百人會議曰吾師  
 其至人乎自仲尼以來未之有也禮男子生有字所  
 以昭德死有謚所以易名夫子生當天下亂莫予宗  
 之故續詩書正禮樂修元經讚易道聖人之大旨天

下之能事畢矣仲尼既沒文不在茲乎易曰黃裳元  
 吉文在中也請謚曰文中子絲麻設位哀以送之禮  
 畢悉以文中子之書還於王氏禮論二十五篇列為  
 十卷樂論二十篇列為十卷續書一百五十篇列為  
 二十五卷續詩三百六十篇列為十卷元經五十篇  
 列為十五卷贊易七十篇列為十卷並未及行遭時  
 喪亂先夫人藏其書于篋笥東西南北未嘗離身大  
 唐武德四年天下大定先夫人返于故居又以書授  
 于其弟凝文中子二子  
 長曰福郊次曰福時

人物

周祖 朝 晉獻公時東郭民也上書獻公曰草茅臣東

郭民祖朝願請聞國家之計獻公使使出告之曰肉  
 食者已慮之矣藿食者尚何與焉祖朝對曰大王獨

不聞古之將曰桓司馬者朝朝其君舉而晏御呼車  
驂亦呼車御肘其驂曰子何越云爲乎何爲藉呼車  
驂謂其御曰當呼者呼乃吾事也子當御正子之轡  
銜耳子今不正轡銜使馬卒然驚妄轢道中行人必  
逢大敵下車免劍涉血履肝者固吾事也子寧能辟  
子之轡下佐我乎其禍亦及吾身與有深憂吾安得  
無呼車哉今大王曰肉食者已慮之矣藿食者尚何  
與焉設使食肉者一旦失計于廟堂之上若臣等之  
藿食者寧得無肝膽塗地于中原之野與其禍亦及  
臣之身臣與有其深憂臣安得無與國家之計乎獻  
公召而見之三日與語無復憂者乃立以爲師也祀  
鄉賢

荀息 晉八族隲叔之後食邑於荀獻公時爲大夫  
立奚齊使傅之曰以是藐諸孫辱在大夫其若之何  
息對曰臣竭其股肱之力加之以忠貞其濟君之靈  
也不濟則以死繼之公卒里克將弑奚齊先告息息  
曰吾與先君言矣不可以貳及里克弑奚齊將死之  
人曰不如立卓子而輔之息立公子卓又弑息死之

春秋曰及其大夫荀息傳曰書及所以著其節書大  
夫不失其官也若息者可謂忠矣祀鄉賢

趙

衰

字子輿其先造父封於趙至叔帶始入晉祖

趙夙父共孟獻公娶於驪姬殺太子申生而伐重耳  
衰從重耳出亡一十九年同其患難借兵歸國多出  
其謀爲原大夫輔文公霸諸侯尊周室公謀元帥衰  
曰郤穀可說禮樂而敦詩書詩書義之府也禮樂德  
之則也德義利之本也公使郤穀將中軍以衰爲卿  
衰屢辭使將上軍又辭公曰趙衰三讓不失義讓推

賢也義庸德也德廣賢至又何患矣後終爲卿帥新  
軍卒謚成祀鄉賢子盾衰從文公在狄狄人伐廡咎  
如獲其二女叔隗季隗而納諸文公文公取季隗而  
以叔隗妻衰生盾事靈公爲正卿公侈宣子驟諫公  
患之使鉏麇賊之晨往寢門闢矣盛服將朝坐而假  
寐麇退而嘆曰不忘恭敬民之主也賊民之主不忠  
棄君之命不信有一於此不如死也觸槐而死公終  
欲殺盾盾出奔趙穿弑公於桃園盾復迎成公立而  
輔之卒謚宣初靈公元年狄人侵魯魯使告於晉盾

便賈季問狄相酆舒且讓之酆舒問於賈季曰趙衰  
 趙盾孰賢對曰趙衰冬日之日也趙盾夏日之日也  
 李離 晉文公之理也過聽殺人自拘當死文公曰  
 官有貴賤罰有輕重下吏有過非子之罪也離曰臣  
 居官為長不與吏讓位受祿為多不與下分利今過  
 聽殺人傳其罪下吏非所聞也辭不受令文公曰子  
 則自以為有罪寡人亦有罪耶離曰理有法失刑則  
 刑失死則死公以臣能聽微決疑故使為理今過聽  
 殺人罪當死遂不受令伏劍而死

董狐 為晉史官靈公欲殺趙盾盾出奔而趙穿弑

公盾未出境而復狐書之曰趙盾弑其君盾曰不然  
 對曰子為正卿亡不越境反不討賊非子而誰孔子  
 聞之曰董狐古之良史也書法不隱祀鄉賢

靈輒 趙宣子田於首山舍於翳桑見輒饑問其病  
 曰不食三日矣食之舍其半問之曰宦三年矣不知  
 母之存亡今近焉請以遺母使盡之而為之簞食與  
 肉寘諸橐以與之靈公嘗伏兵攻宣子輒與為公介  
 倒戟以禦公徒而免之問其故曰翳桑之餓人也問



其名不告而退遂自亡也

公孫杵曰景公時爲趙朔客屠岸賈殺朔杵曰謂程嬰曰胡不死嬰曰朔婦有遺腹若男吾奉之故不死也及生男賈聞而索之杵曰謂嬰曰立孤與死節孰難嬰曰死易立孤難耳杵曰曰我爲其易者乃取他人兒匿山中使嬰謬呼曰與吾千金吾告以趙氏孤處賈隨攻杵曰杵曰謬曰小人哉程嬰不能立孤兒忍賣之乎賈遂殺杵曰及兒其趙氏真孤實在嬰所

祀鄉賢

程嬰 爲趙朔客抱孤匿山中居十五年謀之韓厥言於景公立趙後是爲趙武攻屠岸賈滅之武旣立嬰曰昔下宮之難非不能死欲存趙後耳今宜報宣孟與杵曰於地下武涕泣請曰武願苦筋骨報子而子忍去我死乎曰不可彼以我爲能成事故先我死今我不報是以我事爲不成遂自殺武服齊衰三年奉祀不絕祀鄉賢

韓厥 其曾祖萬曲沃莊伯弟得封于韓原因以韓爲氏景公時爲司馬晉作六軍以厥爲卿公以孟姬

之故殺趙氏而裂其田厥言於公曰成季之勲宣孟之忠不可以無後於是公復立趙武而反其田卒謚獻祀鄉賢子長無忌代爲卿者起謚宣

趙武 盾孫盾生朔下宮之難朔與其叔同括嬰齊皆爲屠岸賈所殺朔妻成公姊有遺腹生武賈索急賴程嬰公孫杵臼匿以免後爲卿相悼公左傳曰趙文子爲政令薄諸侯之幣而重其禮穆叔見之謂穆叔曰自今以往兵其少弭矣

李牧 爲趙北邊良將常守代鴈門威行沙漠  
時秦之不能併趙者以牧在也

後被讒間死趙遂亡子榮負父骸葬此廬墓稱孝遠孫左車爲廣武君韓信師事之

漢周勃 從漢祖起於豐沛以功封絳侯呂后時爲太尉後誅諸呂以安劉氏文帝時爲丞相就國遂爲絳人舊祀鄉賢今以其侯於此爲此地有國之君也改祀名宦

周亞夫 勃子文帝時爲將軍屯軍細柳帝以真將軍稱之景帝時爲太尉平七國之亂舊祀鄉賢今從父

祀名宦

隋王 度 通兄芮城令按說鄆古鏡記文中子兄王度  
 大業九年以御史出兼芮城令用古鏡滅妖蛇其年  
 冬以御史帶芮城令持節河北道開倉糧賑給陝東  
 時天下大饑百姓厲疫賴此鏡全活甚衆祀芮城名

宦 詳雜志

唐王 珪 通族叔貞觀中為諫議大夫以直諫聞

王 凝 字叔恬通弟為隋著作郎貞觀初為御史彈  
 侯君集為長孫無忌所惡出為太原令撰隋書未成

而卒

王 績 字無功通弟性簡傲不喜拜揖通知其誕縱

不嬰以家事鄉族慶吊冠婚不與也隋大業中舉孝

弟廉潔授秘書省正字不樂在朝求為六合丞以嗜

酒不任事解去每與兄弟游北山東臯著書自號東

臯子武德初以前官待詔門下省或問待詔何樂曰

良醞可戀耳陳叔達聞之日給一斗時稱斗酒學士

貞觀初以疾罷人有以酒饋之無貴賤輒往其飲至

五斗不亂著五斗先生傳嘗續兄凝所撰隋書亦未

能成豫知終日命薄葬自誌其墓績之仕以見失職  
鄉人靳之託無心子以見趣曰無心子居越越王不  
知其大人也拘之仕無喜色越國法曰穢行者不齒  
俄而無心子以穢行聞王黜之無愠色退而適茫蕩  
之野過動之邑而見機士機士撫髀曰嘻子賢者而  
以罪廢耶無心子不應機士曰願見教曰子聞蜚廉  
氏馬乎一者朱鬣白毳龍髻鳳臆驟馳如舞終日不  
釋轡而以熱死一者重頭昂尾駝頸貉膝踉齧善蹶  
棄諸野終年而肥夫鳳不憎山棲龍不羞泥蟠君子  
不苟潔以罹患不避穢而養精也其自處如此

尉遲恭

字敬德從太宗征伐有功授鄜州都督封鄂  
公晚謝賓客不與通餌雲母粉爲延年術卒諡忠武

王福時

通次子爲雍州司功參軍傳授中說爲十卷

王勳

通孫爲涇州刺史與弟勳勃皆以才名著

王勳

通孫第進士長壽中爲鳳閣舍人壽春等五

王出閣有司具儀忘載冊文群臣已在乃寤其闕宰  
相失色勳召五吏執筆分占其辭粲然皆畢人人嗟  
服尋加文館學士兼知天官侍郎

王勃 字子安通孫六歲善文辭九歲得顏師古注漢書讀之作指瑕以擿其失與兄勔勳皆著才名杜易簡稱爲三珠樹麟德初對策高第年未及冠授朝散郎嘗道出鍾陵九月九日都督大宴滕王閣宿命其婿作序以夸客因出紙筆徧請客不敢當至勃慨然不辭都督怒起更衣遣吏伺其文輒報一再報語益奇乃矍然曰天才也請遂成文極歡罷喜著書祖通起漢魏盡晉作書百二十篇以續古尚書後亡其序有錄無書者十篇勃補完缺逸定著二十五篇與楊炯盧照鄰駱賓王齊名號四傑因省父福時於交趾度海溺水瘁而卒年二十九

王助 字子功通孫第進士七歲喪母哀號鄰里爲泣居父憂毀骨立服除爲監察御史裏行

王勔 與兄助並以文顯

王勸 福時少子也亦有文名

敬暉 字仲 弱冠舉明經聖 間爲衛州刺史時

諸州聞突厥入寇方秋爭發民修城暉謂寮屬曰吾聞金湯非粟不守柰何捨收穫而事城廓乎悉罷之

使歸田百姓大悅尋為秦州刺史狄仁傑薦之神龍  
 春為中臺右丞與張柬之等謀誅張易之張昌宗等  
 以復唐祚中宗即位叙功進納言賜爵齊公尋封平  
 陽郡王謚肅愍祀鄉賢

敬讓 平陽王暉子也周利貞既受指殺暉等開元  
 初以酷吏罷官終身不齒久之復起為辰州長史時  
 讓以魏州長史朝集京師與利貞皆奏事闕下讓以  
 父寃越次奏曰周利貞希姦臣意枉殺先臣暉惟陛  
 下正罰以謝天下左臺侍御史翟璋劾讓不待監引

明趙需萬東毛里人性穎敏文尤長於詩甘貧樂道  
 不求聞達名公咸推重之有司恒復其身

韓緒字元祚東臨廂人生員居家以禮性樂施  
 知縣王化行旌曰思覃梓里課三子入泮遂無心  
 舉子業與二三知己陶情詩酒有蛩吟禱著

張鴻飛侯村人生員淡泊寡慾日惟書史自娛寸  
 墨尺硯而外別無所耽五十餘年足跡不履城市  
 張闇然字淡夫牛席人拔貢少壯時意興豪舉讀  
 書破麓其支不可一世晚而躬耕樂道晦跡丘園

不仕識者知其爲周蓮陶菊間人矣

國朝王標字爾瞻德化坊人廩生性淡寡營闢墅一區繙書種藥坐臥其中者三十年所著有牖下十書等集藏於家

### 孝義

周李榮趙將李牧之子也父亡廬於墓側號痛之聲悽及風木所近居民皆化之今以孝子名村蓋本諸此

元胡光遠里籍未詳性至孝以母喪廬墓一夕夢母徙及門者濟濟所著有安邑性宗絳陽正傳復性關集等書暨垂訓鄉人婆心語二十條

李克孝字縉吉南賈莊人拔貢少失父事母至孝生平閉戶於書無所不窺而尤長於史子孫雖登科甲布衣蔬飯不渝其素年及八十累舉鄉飲不就惟日以教授爲事諸弟子成名者二十餘人里無少長皆莊之

王庭字必揚德化坊人遙授貢士幼嗜學直而好禮遇人過輒面覘之然無後言人以是信其爲人

順治間邑脩廟學推董其役因捐資助工多方繕葺宮墻大為改觀晚教諸子孫成名誠以小心為善一時家法冠平水著易林彙纂村居紀聞等書張問政字尊五清儲鎮人遙授貢士少時父如全手書朱子讀書法於壁示之輒引以自勵燃膏繼燭鬱為聞士庠居四十年曾未挾氣加人嘗拾絳州周文炳遺金十五笏親追還之人俱高其品順治間廟學之役多所指畫尤見推士林云

耆碩

王龜之為人遂以尚書司門員外郎致仕與浮圖隱者出遊洛陽各園山水無不至也以子登朝累遷司農少卿卒

王益柔 字勝之曙次子為人伉直尚氣喜論天下事以廢至殿中丞慶 更用執政異意者指為朋黨仁宗下詔戒飭益柔上書論辨言尤切直范仲淹未識面以館閣薦之除集賢院校理醉作傲歌時諸人欲遂傾正黨極力攻之黜監復州酒久之為開封府推官鹽鐵判官出為兩浙京東西轉運使熙寧元年入



判度支審院詔百官轉對益柔止言人君之難莫大於辨邪正邪正之辨莫大於置相相之忠邪百官之賢否也若唐高宗之李義府明皇之李林甫德宗之盧杞憲宗之皇甫鏞帝王之鑑也高宗德宗之昏蒙固無足論明皇憲宗之聰明乃蔽于二人如此以二人之庸猶足以致禍况誦六藝挾才智以文致其姦說者哉意蓋指王安石也判吏部流內銓舊制選人當改京官滿十人乃引見士多困滯益柔請才二人卽引見衆論翕然稱之直舍人院知制誥兼直學士

院與宰相不合罷其兼直遷龍圖閣直學士秘書監知蔡揚亳州江寧應天府卒年七十二少力學通群書爲文日數千言尹洙見之曰瞻而不流制而不窘語淳而厲氣壯而長未可量也司馬光嘗語人曰自吾爲資治通鑑人多欲求觀讀未終一紙已欠伸思睡能閱之終篇者唯王勝之耳其好學如此

明毛俊南賈坊人由貢士任工部主事改兵部宣德時韓王言居第隘遣俊往平遠經度繕王宮並建襄陵樂平二邸相傳爲平涼府城隍之神祀鄉賢

馬鸞 字守 定興里人山進士初授行人選南京  
江西道御史差陝西時有典兵者不法鸞劾之  
陞山東按察司兵備豪宗斂手百姓安堵如故

李鉞 字廷威南賈莊人由舉人任蓬萊縣知縣查  
出登州衛侵占民田萬餘畝糧乃得完審緝一術僧  
解省黨人數千立散民便之陞登州府通判兗州府  
同知平曹州寇趙實擒之又督修黃河徙禦流賊有  
功擢刑部員外郎轉河南兵備僉事駐節壽州革奸  
平獄權豪縮息民爲之謠曰穎水魚蝦盡被兩緝撻

去荆山餓殍只因一李甦回時穎州知州及兵備皆  
曾姓也以忤劉瑾黨引疾歸進階四品祀鄉賢

馬聰 字舜達鸞子由舉人知長垣縣有政績民立  
去思碑後陞知鄧州世宗南巡迎駕有功歷宗人府  
經歷纂修玉牒陞臨洮府知府老歸

張裕 德化坊人由貢士任山東臨朐知縣民甚悅  
服艱歸立碑思之補陝西安定知縣嘉靖七八年間  
大旱設法捐賑老弱賴以全活者甚衆立冬日盟面  
盆水結冰有樓臺松竹芝蘭蓮萱菊梅等色月餘乃

止士民以爲清廉之應陞遼東安樂知州過家病故  
安定百姓聞之素服建醮肖像以祀

王體復 字陽父號述齋由進士授工部都水司主事  
督通惠河復淺夫刻開圖遂爲永例歷轉陝西兵備  
副使開渠引涇水灌田可億萬畝民賴之值邊警單  
騎詣敵營宣威德有汾陽烈擢河南按察使執法如  
山一時強宗豪宦斂跡無敢犯陞陝西左布政使崇  
儉甦民陋規一清尋入爲順天府尹勲戚中有冒占  
河田及強求墜地者痛抑之卽中貴欲免一壽官劄

亦不可得擢都察院右副都御史巡撫貴州兼督湖  
北川東戢苗亂首發楊應龍逆謀士官安國亨土婦  
奢世統等皆遵檄受制時有總兵侯之胄不法輒劾  
之抵罪致仕歸開麗澤社課諸子姪暨邑中士子數  
十年嗣登科第者多出其門鄉居二十載恬淡冲和  
里人謠曰王實佛後推戶部右侍郎未踰月卒贈如  
職諭祭葬廕子椿官生祀鄉賢

郭萬里 字海鵬由進士授山東萊州府推官明允有  
聲選江西道監察御史巡按甘肅風裁特著疏論某

大臣出為陝西叅政尋疏請終養歸每出策蹇以行  
卒遇之不識為貴介焚券輸粟立義田義塚里中有  
青天之謠

楊天民 字覺斯由進士授朝城知縣廉惠宜民調繁

諸城邑瀕海亡命賈販之徒呼庚癸伏潢池習剽為  
奸多方設鈎距法所在芟散更備金廣儲以豫不虞

歲大祲出所儲以賑全活萬計士民讚述尸祝與富

青州埒召選禮科給事中首疏復建文年號題為累朝闕典

究竟難湮懇乞聖明及時修舉以成祖德以光正史  
事臣惟神器相承天下之大事也名號顯揚直與天

壤共敝其跡惡可泯也國史纂修一代之大典也紀

載昭垂將通古今為信其實惡可枉也以大典識大

事以必不可泯之跡筆必不可枉之書故從古以來

即餘分閏位亦不得以竊據廢編年之體况屬在正

統者能令湮沒乎即觸忌冒嫌猶不得以私情奪春

秋之法况本無嫌忌者可強為委曲乎臣嘗反復於

斯不能不扼腕於建文革除之既誤又不能不滋惑

於累朝因循之無謂也夫革除之辯不自臣言始臣

查嘉靖十四年該吏科給事中楊傑嘗以表揚革除  
死事諸臣請矣此其意蓋隱然為建文地也比時禮

官夏言因倉卒召對未暇深思既謂諸臣不宜褒錄  
及明日上議又以文皇帝百世不遷之宗為詞卒使  
讜議不行闕典如故抵今橐筆之臣未嘗不切齒於  
夏言之失對也迨我皇上萬 十六年該國子監司  
業王祖嫡復以建文不宜革除與景泰不宜附錄并  
形奏辯而禮部尚書沈鯉亦悉心議覆至擬為聖德  
聖政第一事中外喁喁以為事在必舉不謂附錄改  
正雖蒙俞旨而革除年號依然報罷此何謂哉夫建

文爲太祖嫡孫固皇上一脉骨肉之親也若聽其民  
滅如宗誼何臣仰窺聖衷必灼知情理之不容恕祖  
孫兩朝名分各殊就中皆有嫌微當辨若令孫蒙祖  
號則幾無別矣臣仰窺聖衷必灼知統系之不宜混  
識大識小貴在不遺今革除幾二百年其事已不無  
散逸失今再不蒐輯將散逸愈多可令熙朝無完史  
耶臣仰窺聖衷必灼知典謨之不當缺朝有史野亦  
有史固并存於世者此時縱無改於革除之舊而億  
萬世之後能保其不從野史中搜遺事乎臣仰窺聖  
衷必灼知後世之不可欺有一於是則革除之復宜  
不俟終日可矣乃因仍至今若有所顧忌而不肯遽  
許得非終惑於百世不遷之說恐存一建文卽於成  
祖相妨因於聖孝未愜耶是大不然蓋靖難之舉順  
天應人其師不嫌於無名永樂之勲革命鼎新其功  
不殊於再造無論更號成祖自有中興創始之義固  
不以建文之位號有無爲增損卽初號太宗亦最似  
漢之文帝雖前有孝惠其徽稱固少不相礙也臣不  
解夏言百世不遷之說抑何所主持而令至今成不

決之疑乎昔孔子論武周達孝歸之善繼善述夫所  
謂善者正謂以心相體以是相成不拘拘徃跡云耳  
臣考成祖登極之後猶稱建文爲少帝且其葬也用  
天子禮曷嘗忍於明議革除哉說者謂盡力之臣欲  
假此形跡以張功伐故贊成至此良爲不誣以此臣  
知革除之復固不徒爲建文崇榮名正所以善體成  
祖之心也史以傳信不信則疑疑則訛此必然之勢  
也以成祖湯武之心有何不可令人知者而乃以革  
除諱之欲後世弗疑弗訛得乎甚必有舉一律百并  
全史而疑其爲諛聞之具者將使好事不經之談得  
以任口雌黃而反致聖祖心事不白於後世非計之  
得者以此臣知革除之復固不徒爲建文存實錄正  
所以善成成祖之是也臣不暇遠引卽我朝英宗皇  
帝不嘗削景皇帝位號乎及憲宗皇帝嗣位則旋爲  
議復質之人心垂之青史不聞有累於英宗亦不聞  
少虧於憲宗之孝今何獨於建文之事而疑其於成  
祖相妨於聖孝未愜哉不但此也往年革除報罷猶  
曰正史未修時姑有待邇皇上允儒臣之請業已開

局授餐纂編踰歲矣若及是時慨然命復則修廢舉  
 墜而天下萬世皆謂闕典頓興自皇上始如姑舍之  
 則承乖襲舛而天下萬世皆謂闕典終廢亦自皇上  
 始所關聖德聖政誠非渺小而臣愚待罪該科亦與  
 有責焉故不憚緩頰而仰竇宸嚴若此伏乞勅下該  
 部再加覆議如果臣言不謬願亟賜先行則上可以  
 襄祖德下可以光信史而繼述大孝不在  
 武周而在皇上矣臣不勝激切祈望之至  
 論順天鄉  
 闈之賄進者權要意折補吏科奏礦稅病民海內直  
 之陞禮科右萬 末爭正國本疏

凡十三上謫永從縣典史飄遙

癘瘴間猶以不蚤建元良為念尋卒朝野為之大息  
 熹宗即位追前勲贈光祿寺少卿諭祭有掖垣諫稿

祀鄉賢

張光宇 字叔孚號懷谷由舉人任漢中同知職清軍水利凡六載伍克田沃課上績一督尚衣兩攝郡篆再署州縣所至政簡刑清民安盜息遷廣南知府會武定兵變悉平之調廣西府東有瀦源向以山隔無水利爲設法鑿通歲溉數千頃成膏腴民利之稱張公壩又設學田勤課士正風俗嚴保甲招攜服遠爲滇牧最陞山東運使上正體統疏肅鹽政上下稱便歷世奉之罷歸里設館開來學講貫經史宴會屏倡

優治喪不尚浮屠敦崇禮教正化淑俗自任以道德經濟卒日遠近少長咸涕泗抵今幾百歲猶思慕勿諉書香奕葉接踵懿德人以爲美報云

張雲翼 字伯翔號懷宇由進士授行人司行人轉南戶部分司粵黔陞郎中度支惟明出知陝西鞏昌府進諸僚屬勉以安靜爲生民福凡五載杜苞苴明折獄革贖緩政餘集諸生課隴右人文蔚興實由所造德洋化溥志邇救寧鞏民肖像以祀轉長蘆運使時創議包鹽課執不許州邑抗之赴上臺以去就爭用

是群商鼓勵歲預輸金錢十萬餘陞雲南叅政土人  
未車兒與八唵西尾叛密授方畧於軍帥劉長祚旋  
執俘祭旗鬻鼓安酋亂又作躬擐甲胄昕夕埤堦間  
幾廢寢食圍始解滇士民得享安全者賴其力也由  
是威惠大著生平純孝孺慕終身不衰篤友誼人謂  
其有生死貧賤交急人難恒揮金如土尤異者微時  
貸金市薪遇故人乞諸塗悉贖之迨後貴三黨待以  
舉火者百餘家行多義舉窮通一致蓋天性然

張鯨化 字襄海由進士任寶雞縣調繁盤屋有吏才

更負胆氣值巨寇犯境躬冒矢石立馘十賊擢兵部  
職方司主事巡視九門存恤軍士陞知揚州府正巳  
率屬饒有政聲兩學樹碑以誌其德歷關西副使道  
設法弭盜地方安堵祀各宦本縣祀鄉賢

王椿 字大年號念嚴蚤餼於庠五試棘闈以父司  
徒公廕授銀臺幕歷南太僕丞協理馬政陞戶部陝  
西司主事監督糧儲制補刑部廣東司流寇至平疏  
請兵援兼揭報司農冀減賦會正郎出攝司事是時  
端皇帝責治臣下頗急日讞大獄率多稱旨其減大



金吾劉僑大辟一案對平臺櫻上怒竟執奏不移尤  
爲閣部臺諫諸公所推遷郎中河南巡方曾倜值寇  
犯清化逮問奏以直指不與兵事得減死尋出爲柳  
州守柳獠獯雜處夙難治加意撫綏民諱帖如更留  
心獄訟如正指揮趙奮鷄之廢雪成獄吳寅賓之寃  
皆前守之不敢爲者悉爲之在柳兩膺薦剡及致政  
歸柳人肖像以祀泣送者數百里不絕林居淡泊自  
如耽吟咏甲由遭闖索餉廉知歷官甚貧釋之年七  
十六卒刻有真知錄悟心摘語藏於家更著平邑人

文中載盧雲谷小傳諱向明庠增廣生與先司徒公  
稷少叅梁公爲執友每以詩筒賡和好爲古文辭模  
楷唐宋大家丐文者趾錯於庭人文籍所載甚夥而  
雲谷以司徒公之契與太守公爲世誼云

郭衛宸 字葵一號麓俠由進士任四川嘉定知州錢  
糧不取羨餘人命卽刻親驗誠格水火威清奸盜畧  
定峩邊疏錢局創義倉立課社異政多端民號神君

人覲撫按兩臺皆首薦吏部卓異

第一覲還以餘閒過浣花登凌雲楊子草 亭景純

註易洞無不鑿石留題自斗許及丈餘大小真草不一  
一購墨者摩挲聲日荅山谷又於往返途中作山水  
圖一冊叱馭詩二卷陞戶部四川司員外郎以親老  
未任居鄉二十載事關地方者輒力爲之如揭報司  
農冀求減賦具呈銓部懇選賢令守城救荒合邑被  
德時天下多事中樞陳公特疏薦不起生平不事家  
產清高寡營文章爲邑首推書若不法古而神於古  
畫中有句無筆墨痕自標其頁曰極山水之致詩才  
力追工部諸體皆備似不從人間來各重海內人稱  
三絕得其片紙如拱璧年七十一正襟危坐觀魚玩  
水陶陶而逝

國朝

鄭明良

字廣颺又字亮工生淳龐敦篤貌魁梧而敏

讀書可日十行下壬辰第進士時邑中兵火之後科  
目乏人而公無矜容無詡語與之話如飲醇醪坐春  
風莫不曰溫溫者恭耶藹藹者吉耶旣令華亭而仁  
人爲政神明爲宰豁如也華中允許纘曾有編審德  
政碑稱其宏才卓識精心敏手未調欲變之琴先懸  
不疲之鏡其平也武侯之秤無私其勤也陶公之陰

必惜果達持南山之判自百而千和愷敷黍谷之吹  
若咫尺與尺尤足偉者甫下車卽有編僉徭役之舉不  
動聲色迎刃而解自茲而送華邑元元其慶更生乎  
參議陸振芬有平役惠政碑謂卓循之政洗冤滯若  
清河多平反若張廷尉凜四知若楊關西崇教化若  
文翁勸稼穡若龔渤海省煩刑若路溫舒利興蠹剔  
數大政外其感服吏民心者事不勝書竊意古者渡  
虎馴雉麥穗兩岐蝗不爲災皆彤史文言今公入境  
風雨和年穀有登鮮水旱災異之告則天人感應之  
理匪誣矣觀此則公之幼學壯行文學政事班班已  
見左遷貳中州之鞏縣旋歸與同人以觴咏相酬答  
子銓博俱歲貢永監生

李敏 字尊生號白綠生有異稟博涉善悟勝國督

學袁臨侯先生批其童試牘曰稚口虹霓乙未登史  
大成榜進士吾鄉稱者齊名仕臨川才藪故老時英  
無不心折時海氛跳梁吳越間金陵幾岌餉徵旁午  
鄰邑多獲戾而臨川調集從容民不知兵上游嘉焉  
解組歸首訓文章子姪族黨科貢雍泮濟濟然躬率

節儉方言婚姻聘銀之非禮謂門地之胄清白之裔每以空橐動致愆娶今送銀之陋卽不能遂杜盍薄之率以十金列之三等責在縉紳素封群告邑侯吳公軫懸示闔境勿替率由且曰聖人論道國曰節用傳者言大道曰用舒治平之要端在於是豈惟家訓耶先正之言功在風化奚可忘諸祀鄉賢

王履浩 字子克號則蒼舉人性孝友色事二親母亡事繼如之諸弟子姪胥化焉素慕范文正爲人以天下爲已任于古今興廢大故皆探其源流確有成見

可施行至事關地方率奮袂不避艱險而復口不言功生平高譚雄辨掀髯顧盼雙眸炯炯見者聳異一時名知海內凡巨公碩儒與之接者無不以遠大期之惜未仕卒所輯有聖虞纂言左兵中說粹皆未及卒業制義行世者士林咸推爲舉業正宗云

王錫韓 字季侯號雲巖產姑射之嶼倣儻瑰瑋咸曰山靈之粹集於一人也少讀書屬文如不經意而非時下所可儔庚子捷於鄉甲辰成進士令直屬之固安守正不阿儉素自處石壕之驚夜吏絕跡戊午分

校京闈力斥丕休一時名譽長安所刻有文稿行世  
愛杜陵秋興每手草八首與同志話額其齋曰千峯  
萬壑之堂則其胸次蓋可知矣祀鄉賢

文行

國朝 田雲

字霖蒼號無象清儲鎮人歲貢士節孝傳家

居鄉不疾言遠色年十五得薛文清讀書錄曰聖賢

正學在是何鉛槧為師事曹貞予辛復元兩先生崇

間應師儒賢才舉建孝書院教授生徒及門者

濟濟所著有安邑性宗絳陽正傳復性關集等書按

先生講學人也其同時留心講學者有北柴之賈先

生中號敬修性迂介事辛復元為師凡事之無益身

心言之無補世道皆力持之不以見諸行不以形諸

口值明末闖變閉戶高卧自稱汾陰山人著有衍易

全書患難語幽人心聲等書嗣是又有膏腴之屈擢

升字秀甫號恒齋潛德不耀師事絳陽党冰壑先生

講四子大義及太極通書西銘諸書旨趣所得即筆

之卷曰隨見錄邑臧公長源聞而扁其門曰儒流砥

柱固不啻一鄉善士者

李克孝 字纘吉南賈莊人拔貢少失父事母至孝生  
 平閉戶於書無所不窺而尤長於史子孫雖登科甲  
 布衣蔬飯不踰其素年及八十累舉鄉飲不就惟日  
 以教授為事諸弟子成名者二十餘人里無少長皆  
 莊之

王 庭 字必揚西曹路人幼嗜學直而好禮遇人過  
 輒面規之然無後言人以是信其為人順治間邑修  
 廟學推董其役因捐資助工多方繕葺宮牆大為改  
 觀晚教諸子孫成名誠以小心為善一時家法冠平

水著易林彙纂村居紀聞等書

張問政 字尊五號麓逸清儲鎮人少時父南溪公如  
 全以世尊崇正學手書朱子讀書法於壁示之遂深  
 自刻勵然膏繼晷蔚為聞士工書喜詩庠居四十年  
 曾未挾氣加人嘗拾遺金十五笏親追還則絳州貢  
 士周文炳後為詩謝順治中董修廟學凡所布畫咸  
 推善見重士林於鄉里謙卑自牧叟童知愛遠邇有  
 不平之質則弟得其懷以去至有釁累歲月不能解  
 而俟汾坡之一言以為斷年八十有七歲無耄倦態

邑白侯九蛟趙侯心抃俱延鄉飲大賓二公皆賢令  
祀名宦

趙定宋 字于一趙雄莊人歲貢士弱冠遊類以能文  
稱學憲袁公繼咸歲試擢壓卷食餼數十年躬循理  
學力闢二氏村中執議祀伯益文中生平好施與當  
明崇 之祲至破妻銀筭以給鬻子者孫襄宣登康  
熙癸巳科人以爲衛道積德之報  
耆碩

王 楫 號茂吾德化坊人增廣生襟期邁曠潛心於

舉業間二子連登於鄉猶掩帷默誦如故也且遇事  
敢斷不輕以喜怒假人有確乎不拔之意年七十餘  
卒

王登魁 字文圃賈岡人事繼母孝謹父自恩素喜恤  
之歿後積有遺券悉焚之以成先志居鄉善以禮訓  
俗族黨罔不率者遇有建置每捐貲董其役所剏修  
有龍神祠雲壽院諸處晚教子成進士日惟以清慎  
訓之邑鄉飲延爲耆賓年八十五卒

張鮑化 字霖海西中黃人歲貢士剛如教周慎居家有

法且建堡施粥大爲時論所推凡鄉鄰有爭無不就  
正其門者年近九十猶能作蠅腳書可謂質有其文  
矣

鄭茂之 字喬林西村人貌古神清不以聲色忤物雖  
居近城市而洒然高寄有古君子風家學淵源訓子  
明良成進士政聲藉藉年八十餘健行善飯延爲太  
賓者數次士林翕然推之

隱逸

周老 古 晉文公逐麋而失之問農夫老古曰吾麋安

在老古以足指曰如是也人曰寡人問子以足

何也老古振衣而起曰一不意人君如此也虎豺

居也厭閒而近人故得魚鼈之居也厭深而之淺故

得諸侯厭衆而忘其國詩云維鵲有巢維鳩居之君

放不歸人將君之于是文公載老古以歸

明趙 需 萬東毛里人性穎能文尤長於詩甘貧樂道

不求聞達名公咸推重之有司恒復其身

韓 緒 字元祚東臨廂人生員居家以禮性樂施予

知縣王化行旌曰恩覃梓里課三子入泮遂無心舉



子業與二三知己陶情詩酒有蛩吟雜著

張鴻飛 侯村人生員淡泊寡慾日惟書史自娛寸墨

尺硯而外別無所耽五十餘年足跡不履城市

張闇然 字淡夫牛席人拔貢少壯時意興豪舉讀書

破麓其文不可一世晚而躬耕不道晦跡 園不仕

誠者知其為周蓮陶菊間人

朝國王 標 字爾瞻德化坊人廩生性淡寡營闢墅一區

繙書種藥坐卧其中者三十年所著有漏下十書等

集藏千家

孝義

周李 榮 趙將李牧子也父亡廬於墓側號痛之聲悽

及風木所近居民皆化之今以孝子名村蓋本諸此

唐趙德儼 史謂唐受命二百八十八年以孝悌名通朝

廷者多間巷刺草之民德儼與正平周思藝曲沃張

君密等皆數世同居者天子皆旌其門閭賜粟帛州

縣存問復賦稅且有授以官者

元胡光遠 性至孝以母喪廬墓一夕寢母欲食魚晨起

號天求之忽有生魚五尾列墓前俱有嚙痕人咸驚

異方聚觀一獺忽出衆始知爲獺所獻官以狀聞詔  
旌表其門

明田一照 清儲鎮人三歲失父稍長痛母孀守孝養倍  
隆每遇生身之辰終日不進一茶一米嘗刺血告天  
以祈母壽後果幾百歲而卒哀毀骨立不入私室者  
三年有司以其事上聞奉旨建坊旌之春秋祀

韓 瑄 智子以廩生援例母病假歸躬親湯藥遂學  
醫以濟人爲事邑長貳被罪誣繫爲之周急比歸復  
厚贖焉

張其忠 南康廂人生員中歲失恃事繼母克盡孝道  
學憲扁旌曰孝行可風又蒙院臺旌之曰大孝遺踪  
張寶珍 東張人廩生親歿廬於墓夜有狼候門寇過  
其側相謂曰此孝子廬也慎勿驚萬 聞知縣林桂  
扁旌其門孫雲鴻中癸卯科舉人

楊天職 西圪塔人父喪廬墓三年躬自負土封阡嘗  
捐穀救荒有碑刻其子春洽克承父志崇 年大荒  
流民饑死者遍野施簪歛之院道俱有旌

衛邦德 東坡堡人竭力事親雖家貧絕不與兩兄相

推較卽兩兄及其子之死皆賴之以葬且雅愛儒術  
欲爲子公靖延師不能夜向鄰家問字口授之卒以  
冠軍籍於黷尋餼令聞日著人以爲純孝之報

以上孝類

元張利 習書通律金末任絳州孔目元初辟爲山東  
祁蠡叅佐嘗得路遺金可百兩俟歸其主乃知其爲  
贖父難而貸諸人者其人感泣而去躬治蠶桑每誕  
日以所得絲絮濟貧

明李德義 德化坊人

丁朋益 趙豹人

李讓 東關廂人

韓聚源 敬村人進士從王十一世祖

正統六年歲大饑四人各輸米一千一百石以克賑  
濟有司奏聞詔建坊旌其門

梁政 東安平人正統年間輸米千石天順二年知  
縣方敏立有尚義坊

趙德 西姚村人正德間任新野縣典史時有生員  
徐茂貧幾廢學德哀而撫養之無異已子後茂登進

士任雲南道監察御史陞山西參議甫至任卽詣德  
家時德已故尊德妻以母禮與子楚以吏職任蓋屋  
縣典史

衛福 北柴里人家貧秉性無慾味爽往於田拾金  
百餘兩居數日里人陳廷器覓訪福得其情卽以金  
與之竟不受謝後子孫甚盛

張榮魁 萬東毛里人商遊秦隴道上有山西陽曲庠  
師楊某者鞏昌人宦歸携百金遺於路魁拾而視之  
金也曰此必前行者所遺盍追而還之或曰遠矣請

納之魁曰掩人之有而有之奚義視人之困而不救  
奚仁追而還之其人具謝不受王體復有張義士傳

盧登 東侯人好義樂施臨汾舉人楊世會貸金  
若干後夫婦俱歿遺二子幼而無依携歸撫育猶已  
子郡守王公濂聞而義之扁其門嘉靖七年河東大  
饑各給貧者以粟不責其償

李秉霖 西吉里人父塌好義樂施霖有父風偶感風  
疾手足不能舉百藥不效家欲求四方名醫以治霖  
止之嘉靖四十二年歲饑丐尸盈野霖皆爲作棺掘

土穴以掩之鄰里貧乏者周之不能婚喪者助之隆冬有涉汾水者以羊裘溫之濟人甚衆後疾愈人以爲陰德所感

胡澄南關北廂人貢士爲秀才時獨甘淡泊偶適於市拾遺金一十八兩知其爲邑人李仲保所遺分毫不動卽以原金付之鄉黨以爲難

張曹語生員張思讓儒童俱北膏腴人流賊犯境率鄉兵迎敵尉村峪所殺甚多後賊衆兵潰兄弟獨奮鬪而死奉院道申請准建祠春秋享之

王之慎西曹路人仁厚樂施兄子早世無後族人頗伺之因寒食拜先塋泣諭爲擇弟子以繼明末歲潦荒捐賑不少各有司屢旌其門尋以恩授知事

張思溫號熙寰北膏腴人生員曹語兄爲人端莊沉毅崇四年因流寇上疏人服其義里中千餘家事皆質成者四十年壽踰八十而卒

張如全字南溪清儲鎮人讀書尊朱子鎮北極佑聖宮蕭然野外曰是載祀典輸十金繚以周垣作舟汾水崇中以例應授縣簿耽情六籍却之弗出也

楊春濤 天民子太學生萬 中民饑輸粟崇 年再

輸邑令王化行劉大猷屢有旌扁

以上義類

張進善 東毛莊人父卒於外負柩歸葬知縣張國勳扁其門曰會閔遺芳

陳王度 楊威莊人生員母病禱天願以身代辛復元贈之曰孝足維風及母卒廬墓三年

李卽芬 古城鎮生員祖母病願戒已奠以增其壽後果如所禱賊會委鄰物於家去悉還之

王象斗 董村人生員父病不遑歲試奔侍左右及歿飲食不入口者數日

柴爾棟 相李人生員父病嘗樂歷五載如初

盧 紘 東佚人生員事繼如生一祝滌溺器不怠

關中俊 北焦彭人生員事繼母無間言本莊修堡施百金為倡首

李弼唐 南賈人貢士統之次子父久病飯必親視及卒痛不欲生竟繼頌七七之內

王漢卿 北黃村人有孝行知縣縱西生扁曰再誦蓼莪

衛良輔 北柴人敬事祖母其妻亦化之

柴壯國 南賈廂人繼母生三子父故欲嫁跪留之獨曲身償父債母病斲穢滌溺者數月

馮永德 南康廂人太學生年荒輸米負債者不深計知縣李之實扁其名於洪濟橋

鄭延紘 德化坊人生員善事外祖父母伯歿辭絕業不受為擇子以繼

高 芥 南安平人生員有至性瘞無主枯骨時稱之

楊 棻 西圪塔人生員遭逆闖追餉以弟藥乏嗣匿之慨然獨往撫堂姪一如已出

盧昂

東侯人生員本莊築堡占地獨多又以私地開渠除小患

柴柱宇

相李里人年荒救饑創立本莊石堡其功居多

張希韓

趙康人擲金築堡遇荒煮粥以德行舉耆賓

尉之魏

趙康人本鎮修城捐資二百金明季年荒為饑於路以食饑者

馮熊

南康廂人生員明季年荒平糶設義學以課貧者

王扶殿

鄧村人在縣北拾金二百餘兩跡之乃絳募李茂也還其金茂欲分半以謝卒不受

高榜

南賈廂人縣南二里許惠遠橋為雷鳴水所衝榜賣房重修人高其義

賈珍

尉村人拾鄉寧劉卓金一十兩還之知縣何迴秀詳申道府有扁

士民呈舉孝義

國朝張璜

字黃玉監生牛席莊貢士闈然子年十四失怙順治六年遭寇變家空甚鬻鹽事母自運城歸

至開喜七里店雪二尺許徒步抵家襪履俱穿足為血裂兄生員玠長璜三十歲衣食彌艱養

之無缺弗纖毫怠比家計既饒援例入國學力讀書以紹父志以母終哀毀致疾年止五十卒

李祚

字錫之南賈莊人生員幼失怙事母至孝苦讀書冀一成名以報劬勞年七十外歲試猶掇優

等孫怡登康熙丙子科人謂不得於其身得於其後云

薛企瑄

字佐之北王增廣生性極孝值父病每藥進必口嘗善讀書屬文試輒前列子庠生尚仁孫廩

膳生彬皆能承厥志一時三世泮水文章之譽轟姑山汾水間

張挺

字子愛西中黃貢監少失父事祖父母孝謹從無幾微顏色之忤尤喜施予見人或困乏輒悉

力周之年逾四十連舉九丈夫子人以為德施之報造化感應如操券而取也

李有本 字美中西吉生員事母極孝 知縣白九蛟扁曰聖門曾閔

王恂 字緘似牛席生員同妻張氏竭誠事母外內 孝子陞鶴陞鵬陞鴈鈞以讀書入太學

梁慎幾 北李廩生母喪不用浮屠不舉音樂三年不飲 酒不茹葷不入私室成服葬祭俱遵文公家禮

王珏 賈岡人家貧販炭養親父嗜酒有飲必請父執 父疾禱神求代知縣譚廷占扁曰能竭其力

李希靖 西毛監生孝友之 稱鄉人咸推之

楊冲霄 字柱斗姚吉村 生員有孝義稱

李作梅 德西毛生員 孝義有聞

陳奇論 楊威生員父歿哀毀骨立未成服鬚白 齒落更撫孤姪慶芝入泮里人稱焉

藺完璧 古城生員設義學賑饑民于生員 生蘭嗣之孝事繼母開渠利人

鄭璧 在城生員温温有器局不染于城市酒食牟利 器競之習而事親能孝聞義樂為人尤推之

丁健 趙豹監生義民朋益之後康熙五十二年旱饑 出三百金做古義倉遺意買運周急貴糴賤糶

曹景珍 隨糶隨糶及銀米兩盡復極力設處行之六十 年大饑又倡眾賑濟其他善行種種不可勝紀

東坡堡肇慶司獄素負好義鄉人有 遠宦卒官者輒經營設法歸其櫬

丁詔 丁村人偶得遺金還之既又得又還之或笑以 為癡詔曰我寧癡耳他人金豈我所應得耶

巨國士 史威貢士康熙三十一年散銀二百餘兩賑饑 四十四年子晉廷姪鵬又散銀二百兩賑饑

賈漢章 尉村人康熙三十一年施谷二百三十石賑饑 時餓孳盈野漢章施棺收斂不給又以席代之

趙侯珍 小趙監生賑本莊饑民拾 趙康張姓金珠坐待還之

崔養珍 三公村生員康熙二十八年奉父生員騰霄 指與諸弟生員養珣等散粟賑饑里人稱之



王立隆

焦村貢士康熙十六年旱荒散金賑本莊饑民

鄭公亮

紙巷生員捐金修文廟

王洽

縣城人捐金修文廟

王澤浩

尉村生員施棺掩骼散粟周饑

鄭棟

明崇禎十四年煮粥賑饑設塚斂骨

張寵猷

縣城人康熙二十三年施棺濟人知縣白九蛟扁曰澤及枯骨

支大任

南賈廂人居把岔廟設義館四十餘年盡捐脩金一時單寒之子知書識禮皆任之力云

李驥

東臨廂生員明崇禎間城事有功

劉祖武

張壇人鄉人以友于稱

列女

周齊姜

晉文公夫人文公出亡至齊齊桓公以宗女妻

之有馬二十乘重耳安之留齊五歲無去心從者於

桑下謀行蠶妾在焉聞之以告姜氏姜氏殺之而言

於重耳曰從者將以子行其聞之者吾殺之矣重耳

曰無之姜氏曰行也懷與安實敗名重耳不可姜氏

與子犯謀醉重耳而載之以行

趙姬

初晉文公為公子與趙衰奔狄以所入狄女叔

隗妻衰生盾及返國又以姬妻衰生原同屏括樓嬰

趙姬請逆盾與其母既至請立盾為嫡子使三子下之以救隗為內子而已下之後盾為正卿請於成公曰微君姬氏則臣狄人也遂以中子屏括為公族大夫

姜姬之賢雖偉男子何過焉以冠諸貞洵足千古云

元王氏 賈廷秀妻夫亡時氏年十九撫其三月孤底於成立守節六十餘年至元元年詔旌其門

明丁氏 尉溫妻夫亡時氏年二十貧窮自守六十二而卒詔旌其門

柴氏 相李里趙蓋妻夫亡時氏年二十八孝事舅姑七十二卒察院扁其門曰節

張氏 東關廂李湖妻夫亡時氏年二十九誓撫子女不嫁年七十九而卒嘉靖中詔旌其門

丁氏 東關廂李油妻年二十二而孀撫孤自誓五十歲而卒嘉靖中詔旌其門

李氏 德化坊王友信妻年二十夫亡撫遺腹子成立年七十餘卒察院旌表其門

閻氏 西侯里盧應聘妻年二十六夫亡撫遺腹子成

立事姑孝謹年七十餘卒党氏聘弟應選妻適夫踰  
年生子夫即亡時年方十九後子死守節終身稱一  
門雙節

楊氏 北柴監生衛汝器妻勸夫納妾有嗣夫卒於京  
氏守節撫孤無二志知縣羅潮告諸分巡盧公煌表  
其門

楊氏 德化坊鄭世榮妻夫早亡氏安貧茹苦教子盡  
忠登科任同知以壽終

王氏 西姚里高歲妻年二十九夫亡無子以幼姪爲  
嗣與側室戴氏同撫之後娶婦孫氏甫生一孫高齊  
嗣子亦亡三氏同心守節各享高年知縣劉民望旌  
之曰一門三節府道院咸表其門

李氏 中黃里張九巖妻年二十七孀居訓其少子爾  
恕登科迄七十一歲卒上官咸表其門

趙氏 北柴里衛論妻二十八歲夫亡哀毀不食甘心  
守節撫二孤訓以讀俱隸于庠道院咸旌其門

趙氏 北柴里衛常時妻年二十九夫亡哀毀幾絕甘  
心守節孝事孀姑撫幼孤成立道院旌表其門

張氏 相李里生員柴宗舜妻年二十八夫亡遺孤尚在襁褓茹苦守貞孝事華顛三孤俱隸庠食廩道院獎異屢旌其門

李氏 北柴里衛効時妻年二十六夫亡甘心勁守以成夫志紡績訓孤發跡泮水院道旌表其門

衛氏 北柴里柴凌雲妻年二十六夫亡無子弟婦郭氏柴乘雲妻年二十夫亡遺子甫二歲二氏哀毀同心守節孝親撫孤誓死不更舅姑享壽耄耄及終殯葬以禮孤幼鞠育成立旦夕和熊自矢人稱一門兩節院道咸旌其門

李氏 沙女里田齊秀妻二十二歲夫亡撫三歲孤兒一照無二志時爲富室所逼氏欲鳴官乃寢苦守五十五年訓子成立崇一閭奉旨建坊壽九十七歲卒

郭氏 南賈莊廩生李棟妻事姑惟謹棟試輒冠軍氏嘗以紡燈佐其讀及夫亡年方二十餘撫四歲孤克孝口授以三字經千家小詩稍長遣就外傳每下學輒驗其膚有受杖痕則復責之孝以此登拔貢及孫敏成進士壽五十五歲終鄉里旌之曰燕門菽訓

知縣盧易上其事於按台伊公關且為立傳

尉氏 上魯里劉體乾妻年方十七夫故咸陽欲自縊  
因有遺腹不死後同父扶柩歸葬撫子遊庠後經題  
請府道院俱有旌獎

趙氏 清儲鎮生員田澍妻年二十二歲夫故田氏德  
化坊王璉妻澍之妹十九歲夫故二氏慟夫蚤亡無  
子誓天伴守四十餘年朱撫臺扁其門曰姑嫂奇節  
又曰雙貞砥礪趙年八十四田年七十五卒

鄭氏 中黃里張子登妻年二十六歲夫亡甘貧守節  
撫孤張泰遊泮知縣魏公韓扁曰貞德祺齡壽七十  
八而卒

李氏 小趙里趙秉爵妻苦節終身奉旨建坊  
馮氏 大趙莊生員薛賓妻孀居撫孤申請旌獎  
衛氏 南賈莊附監李植妻夫亡同妾共守撫二子有  
成崇心間具題歲給布穀壽九十終

張氏 德化坊儒士王薦妻年二十二歲夫亡無子孝  
事孀姑壽至八十六歲而卒里人難之

衛氏 相李里廩生柴柱寰妻年二十五歲守節事姑

道有旌扁

張氏 相李里生員柴柱宸妻年二十三歲守節撫孤

學道扁曰節孝

張氏 北王薛九望妻十九歲而孀至八十一而卒萬

間按鹽兩院每給粟布以獎之

國朝李氏 德化坊曹永明妻夫故陝西衛王城氏不遠二

千餘里躬自搬櫬歸葬撫孤入泮儒學王一龍以貞

慈卓範扁之

李氏 北南廂生員張明醇妻參政雲翼子媳也年二

十八歲守節撫孤緝入泮彭司李扁曰茹藥和熊

董氏 南康廂胡萬財妻年十九夫故陝西莊浪生子

月餘自遠邊扶櫬歸葬艱難備嘗六十年卒

梁氏 德南廂王時聖妻善事公姑夫亡氏年二十歲

子方三月姑憐其幼勸嫁不從誓甘守節撫子瑣入

泮

楊氏 西吉莊李嵩妻給諫天民之女幼讀列女傳年

十六適李未幾夫故堅志守節事孀姑以孝撫幼子

有本與姪俱入邑庠

單氏 北柴莊中書舍人衛泰時妻年二十四而孀撫前出如所生訓諸子以讓子養介及孫延俞俱遊泮

楊氏 南賈莊李調元妻年十七夫亡無依歸母家撫遺腹子成立

衛氏 單家莊趙文正妻歸趙二月餘夫亡年方一十七歲家貧無子守節終身不渝官有旌扁

柴氏 相李里舉人李茂桂妻年二十七歲失所天撫襁褓子夢麟入泮九十而卒

以上節類

明劉氏 西侯里段益庫妻十九歲適段段乃久疾氏事之晝夜不怠踰年夫亡號泣願以身殉姑防之少懈即自縊與夫同葬里人嘉之欲上聞未果

李氏 上莊村盧國器妻年二十五歲而孀姑狄氏勸嫁不從乘姑出自縊柩前知縣李喬崑扁曰我儀自誓奉旨動官銀三十兩建坊

衛好艾 南賈廂王村莊人年十三歲被惡少牽戲怒罵投井而死屍出噴目不閉睛裂出血察院碑其塚曰烈女衛好艾之墓知縣趙京仕扁其門曰節凜冰

霜之門

王氏 北柴太學生衛廷對妻柳州守椿女也從夫避

寇楊州夫故氏年二十六歲同妾吳氏年二十一歲

哀痛不食俱殞柩前都御史龍文光有傳

王氏 北柴柴奉簡妻夫故氏欲自縊鄰婦慰之曰汝

欲見夫於地下乎聞冥中不百日不能見也氏且不

死及葬後仍自縊計其日適夫百日之期知縣李喬

崑立石表之曰真烈婦

朝國關氏 東莊梁邦泰妻夫出外順治六年賊陷城兵至

其家欲辱之氏誑至井邊遙呼夫名投井死

王興娥 北衆人年十四歲父在田娥爲之饁路遇惡

少姦逼不從被殺投其屍於井及事發出屍鏹痕遍

體兩手猶握中衣通邑義之

張氏 進士郭衛宸妾王氏宸子生員大府妻尉氏宸

甥廩生朱前妻三氏俱二十餘值闖變寇將至共投

一井而死

以上烈類

邢氏 南焦彭孫化龍妻二十六歲守節撫子以敬登順天鄉試任知縣



姚氏 北故縣楊景震妻十八歲夫故撫孤碧松籍於巽

張氏 古城鎮李虞夔妻年幼喪夫同妾韓氏篝燈對紡教子躍舟登武科

祁氏 趙雄莊趙秉福妻年二十九而孀家貧守節訓孫定宋貢士成名

李氏 南賈廂劉馨妻十六歲守節撫幼子漢祚入泮

楊氏 西村李馨芳妻年二十五孤燈夜績訓子國模餼於宰

牛氏 德化坊生員張企朱妻年二十三喪偶撫孤業入泮八十四歲卒

衛氏 西黃村張煌聲妻年十六居孀撫一線孤不絕

趙氏 趙康鎮王遇妻年十九夫亡無子矢節終身

李氏 南王村生員曹灼妻夫殞氏年二十一歲撫孤綸祖成名卒年八十四

張氏 東侯盧叢榭妻曹氏榭弟叢林妻二十二年俱二十而孀撫子姪燦成名

梁氏 北膏腴王國仕繼妻年十九歲失偶撫前出并所生子成立

儀氏 西賈李則愈妻年二十歲守節不二入十六卒

賈氏 西賈儀新春妻年十九夫亡撫子成立

張氏 仁和里生員李國棟妻夫喪年二十二歲為姑吮瘡撫遺腹子成立

毛氏 仁和里儒士梁建隆妻二十一歲夫亡茹洎甘淡撫子州入泮

張氏 南康廂廩生馮運熙妻年二十九歲孀居撫四子幣徵旂徵甲徵鳳徵俱入泮

賈氏 中黃儒士趙都晉妻年二十三喪夫紡績為生事姑盡禮訓孤子璿入泮

衛氏 上毛莊楊思智妻年十九喪夫撫孤耀翠登武科

張氏 南趙楊發春妻十九歲守節志矢不二

吳氏 北柴許登朝妻二十二歲夫亡甘貧茹苦撫襁褓子有成

師氏 三公村儒士王者寵妻年十九而孀事姑育子以勤儉稱

趙氏 大趙趙德化妻年十九夫亡守節終身

曹氏 南康廂王民望妻年十八無子而孀撫嗣子信賢入泮

毛氏 北柴衛希蘇妻年二十九守節訓子鴻圖餼於庠

丁氏 北柴生員衛向中妻夫亡年十七歲無子守節七十七而卒

楊氏 北柴衛嘉瑞妻二十二歲守節年九十卒

衛氏 南柴吳來賓妻年二十四而孀和熊撫子其志不奪

趙氏 北柴衛步荆妻年十九歲夫亡撫三日子成立苦節五十餘年

席氏 柴史里衛來貢妻年二十五歲撫遺腹子成立

張氏 南王村曹焯妻十九歲孀居至五十卒

王氏 西姚里高可嘉妻十九歲夫亡無子撫嗣姪成人上台俱有旌扁

張氏 東沙里柴邦宰妻年二十六歲痛夫客亡欲以身殉以羸姑無侍遂甘貧誓守年七十卒

張氏 荀董高君召妻年十九而孀奉姑惟謹撫孤成立

柴氏 德化坊王檀妻夫亡年十九撫孤長成子少亡同寡媳針工度日

路氏 清儲鎮毛一鵬妻年二十四而孀撫孤守節

柴氏 東臨廂韓睦燕妻夫亡時氏年二十二撫孤成人備嘗艱苦

儀氏

北柴柴喬妻年十九夫亡生子耀宗未週歲撫孤守節誓不再醮

馬氏

清儲鎮張榛妻年二十九歲夫亡約已居家撫子成立知縣彭兆遠扁曰嚴冬蒼柏

張氏

在城濮州判韓養度繼妻夫故氏年二十撫前妻子不異已出其父兄逼之嫁遂自縊

士民公舉節烈孝婦

張氏

西村李極妻年十九夫亡無翁姑伯叔遺孤在襁褓氏維持調護六十餘載年逾九十而終家道成立子孫

繁衍

衛氏

牛席監生王陞鶴妻年十九鶴病危竭力服事鶴氣絕復醒囑氏年幼無子宜改嫁氏即潛入他室投繯死鶴

亦繼亡

李氏

南賈郭而適妻年十九夫亡父母憐其少欲嫁之乘間自縊夫柩前

韓氏

丁村侯維屏妻未于歸夫已嬰狂疾以天命自安及夫病亡矢守初志誓死靡他

趙氏

史威張桂妻甫于歸夫即商遊十餘載竟以客殂氏鬻冠簪歸夫櫬苦而貞貧而禮唯氏有之矣

甯氏

西中黃張子穎妻明崇十三年氏年二十有子在襁褓值流賊入境棄子投井學憲張有烈婦扁

唐氏

牛席監生王恪母賢淑知書訓二子恪忠俱稱彬雅士

李氏

尉村尉希禹母姑老失明典衣供奉翁病卧床竭力奉養較子女倍篤

李氏

東莊賈國泰妻年二十一國泰亡子鴻圖方三月氏矢志撫孤娶婦張氏年二十三鴻圖又亡姑媳

苦節一門繼美知縣

顧欽旬曰冰操傳芳

王氏

史威史建極妻賈氏子繼經妻俱稱未亡撫子世標列膠庠姑媳同矢柏舟知縣顧欽扁其門曰兩

世冰操

**原氏** 盤道生員陳泰妻泰亡時氏年二十五家貧守志事姑不以艱難少倦訓子仰搏雄藩皆列庠母病兄弟晝夜不歸私寢三年如一日

**李氏** 北董村董金鰲妻年二十三夫亡撫孤子時揚入黌序五十四歲而終

**張氏** 定興李雲楷妻二十三歲夫亡事親撫孤四十餘年如一日

**薛氏** 定興李志望妻二十六歲夫亡紡績奉舅姑守志靡二

**屈氏** 侯村盧叢柵妻年十七而夫亡家貧困苦事姑訓子至七十歲而終

**柴氏** 西村李運盛妻年十七適李二十三歲李以商亡於外家務艱苦氏事姑訓子竟以成立

**楊氏** 安侯里原大澤妻年二十而夫故奉姑教子四十餘年無二心

**賈氏** 南大柴生員柴繩母年二十喪夫堅貞自矢歷四十年孝事翁姑姑病百有餘日晨昏無少懈知縣

顧欽旌其門  
曰望重人倫

**盧氏** 董村廩生趙晉宣妻年二十夫亡姑老無子立志守貞事姑盡孝擇族子又武輪粟列國學知縣臧

長源扁其門  
曰節从彌光

**李氏** 大柴增生柴鴻飛妻二十二歲孀居撫孤守志八十二歲而卒

**張氏** 柴莊柴永昌妻年二十二夫亡家貧勵志苦守撫孤成立知縣臧長源扁曰燕節高風

**曹氏** 高家莊王化隆妻年二十五夫亡奉姑訓子百折不回署縣事霍州知州李紹祖扁曰慈孝完貞

**李氏** 古城鄧輔世妻輔世亡氏方二十五歲撫孤爾玠列國學知縣顧欽扁曰義方教子

**李氏** 東關張傑妻十七歲適傑方一載傑游外六年歸即病亡氏擇嗣生孫矢志無二

**高氏** 西中黃王家琪妻年十八夫亡紡織撫子有勸嫁者氏損容却之七十歲而終

邢氏 東坡堡鄭元吉妻年十八夫亡甘貧撫嬰誓志無他

楊氏 西中黃張雲駿妻年二十二稱未亡人子生員敬曾方數月氏奉親訓子苦志靡二弟婦楊氏亦操

冰二十餘載艾年潔身而歿

孫氏 趙豹丁從妻二十孀居志凜冰霜姑病嘗藥數月不解衣

許氏 楊威陳奇畧妻十八孀居無出柏舟自矢言及再醮則數日不食有古節烈風

張氏 東吉生員宋接武妻通道令夢熊子婦也通道擗子之官一去不返氏獨居在室二十歲與夫別七

十歲而卒孀守五十餘年無兒無女就養母家怡然終老里門親舊鮮不難之

張氏 趙豹生員丁理廣妻十七歲適理廣二十六歲而孀撫襁褓子健列國學

東莊生員梁國隆妻二十五歲夫故無子撫姪承繼又亡撫孤孫及諸姪皆成立

柴氏 東張宋之璠妻年二十三夫亡遺襁褓子氏矢志水操織紡弗避寒沍撫孫洽入泮年七十五而終

丁氏 敬村候選經歷韓爾幹妻年二十二夫亡擇姪承繼誓死不二至八十三歲終

衛氏 安侯里生員曹翰台妻年十九守志撫姪世昌為子列武庠

柴氏 安侯里曹爾恭妻年二十七守志撫姪為子

王氏 鄧柴里關耀妻年二十五歲生子甫月夫歿外關復寬妻郭氏年二十夫亡三月生子二氏守志

撫孤數十年間比閭族黨有不獲覩其面者

周氏 單家莊白秦柱妻二十歲而夫亡撫弟子以為子

王氏 西姚里生員戴皇仁妻芳年一十九遽遭破鏡之悲歷歲八十三不渝舟之志

梁氏 荀董賈從真妻十九歲而失所天堅貞撫孤絕無他志

張氏 中尉許柱妻二十五歲夫亡柏舟自矢撫子成立

張氏 楊威李隆漑妻年二十一夫病亡家赤貧啖蘗茹荼力勤織紡撫子成立

郭氏 張壇劉祖禹妻年二十六夫亡二子在懷抱家貧無倚苦志撫孤七十六歲卒署縣事霍州知州李

紹祖扁曰完節撫孤

王氏 趙雄關中鏹妻年十九夫故撫前子生員呈祥不異所生四十餘載鄉人稱之

張氏 西李楊象泰妻于歸三年夫亡守節

流寓

明樂政和 原四川富順人洪武間由監生任本縣丞後

陞廣西全州判未赴任卒其家人以路遠且貧不能

歸葬其子以宣德六年附籍德化坊

李 兆 原順天寶坻縣諸生也永樂間以武功賞授

山東平垣縣主簿後調本縣卒於官宣德七年附籍

南膏腴里孫經由監生任陝西平涼府推官

來聘 字任卿號蘆明原籍江西之臨川工詩文有

聲萬 間遊邑中教授後學多所成就而風韻瀟灑

與郭麓俠先生唱酬往來殆無虛日其制義卓然不入流俗亦無愧若士家風云今附籍中黃里  
方伎

周史 蘇 晉獻公卜伐驪戎蘇占之曰勝而不吉公不聽伐之獲驪姬立爲夫人蘇曰晉以男戎勝戎而戎亦以女戎勝晉後驪姬果媾禍君子謂蘇知難本矣  
卜 偃 晉獻公使荀息伐虢圍上陽問偃曰吾其濟乎對曰克之童謠曰丙之辰龍尾服辰均服振振取虢之旂鶉之賁賁天策焯焯火中成軍虢公其奔其  
九月十月之交乎如期滅之

董 因 秦伯納文公因迎文公於河公問曰吾其濟乎對曰歲在大梁將集天行元年始受實沈之星也實沈之墟晉所以興也今君當之無不濟矣君之行也歲在大火闕伯之星也是爲大辰辰以成善后稷是相唐叔以封瞽史記曰嗣續其祖如穀之滋必有晉國臣筮得泰之八曰是得天地配亨小往大來今及之矣何不濟之有且以辰出而參入皆晉祥也而天之大紀也濟且秉成必霸諸侯已而果然

仙釋

宋王道源 賈岡人善易學南渡時避金兵隱於西山之麓孝宗淳熙五年遇異人杖鑿而化後人卽其地爲清濂洞歲旱禱雨于此多應

元古真道人 名孫固三公村人始誕時姑射山草木不生者三年長於儒術兼精閏法百工技藝無所不通人稱爲百會先生

明定山和尚 名彭滿西賈里人洪武十二年在蘆溝橋坐化七竅火出自焚其身

卷第六終

太平縣志卷第七

世代志

世遠年湮古人之陳迹今人之奇賞也而天之所垂地之所出聖人謹焉作世代志

都邑

邑治南二十五里爲古晉城乃獻公始遷之地襟姑射帶河汾文公之霸實於是基焉舊志殊疎爰考春秋列國圖說左氏傳司馬史叅互次第節述其故而八十五年之事庶燦然在目矣



周成王封叔虞于唐，居古大夏實沈之墟，參之分野。謂之太原，亦曰晉陽，在河汾之東北，地方百里而都於翼。唐叔子燮，徙居晉水傍，是為晉侯。晉侯子寧，族為武侯。武侯子服，人為成侯。成侯子福，為厲侯。厲侯子宜，曰為靖侯。靖侯之十七年，即周共和之元年也。十八年，卒。子釐侯，司徒，立。十八年，卒。子獻侯，籍，立。十九年，卒。子穆侯，費王，立。自晉陽徙都絳。七年，伐條，生太子仇。十年，伐千畝，有功，生少子成師。二十七年，卒。弟殤叔自立，太子仇出奔。四年，太子仇襲殤叔而立，為文侯。三十五年，卒。子昭侯，伯，立。元年，封文侯弟成師于曲沃，號桓叔。曲沃，邑大，于翼。翼，晉君都邑也。七年，人發兵攻之，桓叔敗，還晉人。立昭侯子平為孝侯。八年，桓叔卒。子鱗代，是為曲沃莊伯。十五年，莊伯弒孝侯于翼。晉人攻之，莊伯復入曲沃。晉人立孝侯子郤為鄂侯。六年，卒。曲沃莊伯興兵伐晉。周平王使虢公將兵伐莊伯，莊伯走保曲沃。晉人立鄂侯子光為哀侯。二年，莊伯卒。子稱代，是為曲沃武公。九年，曲沃武

公伐晉於汾旁。哀侯晉人乃立哀侯子小子為小子侯。元年，曲沃武公殺哀侯。四年，曲沃武公誘小子侯殺之。周桓王使虢仲伐曲沃，武公入于曲沃，乃立哀侯弟緡為晉侯。二十八年，曲沃武公伐晉侯緡，滅之，盡以其寶器賂周釐王。王使虢公命曲沃武公以一軍為晉侯。武公已即位三十七年矣。更命曰晉武公。始都晉國。代晉二歲，凡三十九年。卒。子詭諸立，是為獻公。五年，伐驪戎，得驪姬、驪姬弟，俱愛幸之。

晉獻公九年，用士蔦謀，盡殺故晉之群公子，而城聚都之。

命曰絳。始都絳。十年，公將伐虢，士蔦諫不可。十一

年，夏，使太子申生居曲沃，重耳居蒲，夷吾居屈。群公子

皆鄙。唯二姬之子奚齊、卓子在絳。十六年，作二軍，公

將上軍，太子將下軍，滅耿，滅霍，滅魏，還為太子城曲沃。

十七年使太子伐東山臯落氏 十九年荀息請以  
屈產之乘與垂棘之璧假道于虞以伐虢 夏里克荀  
息帥師會虞師伐虢滅下陽 二十一年驪姬謂太子  
曰君夢齊姜必速祭之太子於是祭曲沃歸胙于公公  
獵姬寘諸宮六日公歸毒而獻之公祭之地地墳與犬  
犬斃與小臣小臣斃姬泣曰賊由太子太子聞之奔新  
城十二月戊申縊于新城二公子時在朝姬遂譖曰太  
子藥胙二公子皆知之二公子聞之恐重耳奔蒲夷吾  
奔屈 二十二年使寺人披伐蒲重耳曰君父之命不

四年冬楚子及諸侯圍宋宋公孫固來告急 公蒐于  
被廬作三軍命卻縠將中軍卻溱佐之狐毛將上軍狐  
偃佐之欒枝將下軍先軫佐之荀林父御戎魏犇爲右  
五年春公將伐曹假道于衛弗許還自南河濟侵曹  
伐衛二月卻縠卒原軫將中軍胥臣佐下軍衛侯出居  
襄牛楚人救衛三月丙午入曹宋人使門尹般來告急  
公從先軫謀執曹伯分曹衛之田以畀宋人楚子玉使  
宛春來告於師曰請復衛侯而封曹臣亦釋宋之圍公  
復用先軫謀拘宛春於衛且私許復曹衛曹衛告絕于

楚子玉怒從晉師公以楚惠退三舍楚衆欲止子玉不可夏四月戊辰公及宋公齊國歸父崔夭秦小子憇次于城濮楚師背鄴而舍己巳及楚合戰楚師敗績我師三日館穀及癸酉而還甲午至于衡雍王下勞公作王宮于踐土鄭伯使子人九行成五月丙午公及鄭伯盟于衡雍丁未獻楚俘於王巳酉王享醴命公宥王命尹氏及王子虎內史叔興父策命公爲侯伯賜之大輅之服戎輅之服彤弓一彤矢百旅弓矢千秬鬯一卣虎賁三百人曰王謂叔父敬服王命以綏四國糾逃王慝公

三辭從命曰重耳敢再拜稽首奉揚天子之丕顯休命受策以出癸丑公及魯侯齊侯宋公蔡侯鄭伯衛子莒子朝于王所遂盟于踐土陳侯來會六月復衛侯師還壬午濟河七月丙申振旅愷以入獻俘授馘飲至大賞徵會討貳民於是大服 冬公會諸侯于溫天王狩于河陽遂率諸侯朝王于踐土執衛侯歸之京師諸侯圍許公有疾乃復曹伯遂會諸侯于許 作三行 七年九月甲午公及秦伯圍鄭 八年秋蒐于清原作五軍 九年春楚鬬章來請平使陽處父報之 冬十二月

己卯公薨于驪立是爲襄公庚辰將殯于曲沃出絳柩  
有聲如牛卜偃使大夫拜曰君命大事將有西師過軼  
我擊之必大捷焉

晉襄公元年夏四月辛巳公墨衰經及姜戎敗秦師于殽  
獲百里孟明視西乞術白乙丙以夫人言釋之癸巳遂  
墨以葬文公晉於是始墨 狄伐我及箕八月戊子公  
敗狄于箕卻缺獲白狄子先軫死之 及陳鄭伐許  
二年文公之季年諸侯來朝衛成公不至公既祥使告  
于諸侯而伐衛及南陽先且居曰效尤禍也請君朝王

臣從師公朝王于溫先且居胥臣伐衛五月辛酉朔圍  
戚六月戊戌取之秋疆戚田十三年春秦孟明視帥師  
伐我以報殽之役二月公禦之甲子及秦師戰於彭衙  
秦師敗績 冬先且居及宋公子成陳轅選鄭公子歸  
生伐秦取汪及彭衙而還以報彭衙之役 四年秦伯  
伐我取王官及郊我不出 五年公伐秦圍邽新城以  
報王官之役 七年春蒐于夷舍二軍改蒐于董使趙  
盾爲帥趙盾於是乎始爲國政 八月乙亥公薨太子  
夷臯少趙盾以難故欲立長君使先蔑士會如秦迎公

子雍 冬十月葬襄公

晉靈公元年秦師送公子雍穆嬴日抱太子以啼于朝出朝則抱以適趙氏盾與諸大夫皆患穆嬴且畏偪乃立太子夷臯爲靈公以禦秦師戊子敗秦師於令狐至于刳首己丑先蔑奔秦士會從之 二年秦伐我取武城以報令狐之役 四年春伐秦取少梁 夏秦伯伐我取北徵 六年冬秦伯以令狐之役故伐我取羈馬我禦之秦師夜遁 七年春公使詹嘉處瑕以守桃林之塞得士會 八年六月癸酉趙盾及諸侯同盟于新城

趙盾以諸侯之師八百乘納捷菑于邾以邾人辭直弗克納而還 九年六月卻缺帥師伐蔡戊申入蔡 冬公會諸侯于扈謀伐齊也 十一年公蒐于黃父復會諸侯于扈平宋也 十三年趙盾帥師救陳宋會于棐林以伐鄭也 冬趙穿侵崇 十四年秦師伐我以報崇也 公侈趙盾驟諫公欲殺之盾出奔秋九月乙丑趙穿弒公于桃園盾未出山而復使趙穿逆文公子黑臀于周而立之是爲成公 晉成公元年公伐鄭倍我故也 三年荀林父救鄭伐陳

四年春趙盾及衛孫免伐陳 秋赤狄伐我圍懷及  
邢丘 五年赤狄侵我取向陰之禾 六年春及白狄  
平 夏會白狄伐秦獲秦謀 七年九月公會諸侯于  
扈陳侯不會荀林父 以諸侯之師伐陳公薨于扈乃還  
子據立是爲景公 冬卻缺救鄭敗楚師於柳棼  
晉景公元年冬士會救鄭逐楚師於潁北 二年秋公會  
狄于攢函衆狄服也 三年夏六月救鄭及河聞楚已  
服鄭荀林父欲還先穀不可遂濟及楚子戰于邲我師  
敗績 四年秋赤狄伐我及清先穀召之也 冬討邲

之敗與清之師歸罪於先穀而殺之 五年夏公伐鄭  
以邲故也告於諸侯還焉而還 六年六月癸卯荀林  
父敗赤狄于曲梁辛亥滅潞以潞子嬰兒歸 七年春  
士會帥師滅赤狄甲氏及留吁鐸辰三月獻狄俘 冬  
公使士會平王室 八年春公使卻克徵會于齊齊婦  
人笑之克怒歸 九年春公及衛太子臧伐齊至于陽  
穀齊侯會公盟于緄以公子疆爲質師乃還 十一年  
六月衛孫桓子魯宣叔來乞師公許之七百乘卻克請  
八百乘許之癸酉及齊戰于鞍齊師敗績 十二年十

二月甲戌作六軍 十四年公會諸侯盟于蟲牢鄭服也 十五年公用韓厥之謀四月丁丑遷都於新田 舊志吾邑古無可名不過曰陶唐為帝畿地周初為侯畿地夫其為帝畿侯畿何止平邑史記晉獻公九年城聚都之命曰絳賈逵曰聚晉邑則本聚邑獻公更其名曰絳耳太史公龍門人以晉紀晉耳目自審賈景伯為汝南許慎古學之師安有疑者或曰據左傳獻八年城聚九年城絳今絳縣志有車廂城謂晉城聚處群公子之所然則司馬子長竟未讀左氏傳者耶

申生

獻公世子公嬖驪姬將黜申生立其子奚齊驪姬使請於公使太子主曲沃既又作二軍使將下軍以伐霍士為諫不聽遂行克霍而反驪姬益譏之公使申生伐東山敗翟於稷桑而還驪姬乃復以公命命祀齊姜申生歸福因寘毒以告公公遂殺其傅杜原款申生奔新城或謂申生子辭民必辨焉申生曰不可仁不惡君知不重困勇不逃死吾將伏以俟命既而驪姬見申生而哭之申生遂雉經于新城之廟謚為共君

士

字子輿陶唐氏裔也歷虞夏商周成王遷之於杜為伯宣王殺杜伯其子隰叔奔晉為士師故為士氏獻公六年公患桓莊之族逼以問士為士薦與群公子謀富子而去之七年又與群公子謀殺游氏之二子八年士為使群公子盡殺游氏之族乃城聚而處之冬晉侯圍聚盡殺群公子九年士為為大司空夏士為城絳以深其宮士為卒子穀嗣為司空

里

克

晉大夫獻公使為太子申生傅驪姬將害太子告優施曰君既許我殺太子而立奚齊吾難里

克奈何優施曰吾來里克一日而已子為我具特羊之饗吾以從之飲酒我優也言無郵驪姬許諾乃具使優施飲里克酒中飲優施起舞謂里克妻曰主孟暗我我教茲暇豫事君乃歌曰暇豫之吾吾不如烏鳥人皆集於苑已獨集於枯里克笑曰何謂苑何謂枯優施曰其母為夫人其子為君可不謂苑乎其母既死其子又有謗可不謂枯乎枯且有傷優施出里克辟奠不餐而寢明日稱疾不朝三旬而難作太子奔新城縊于廟獻公卒奚齊立為君里克將弑奚齊以告荀息拒之又以告丕鄭丕鄭許諾於是弑奚齊卓子及驪姬而請君於秦秦人納公子夷吾是為惠公惠公立將殺里克以說使謂里克曰微子則不及此雖然子弑二君一大夫矣為子君者不亦難乎對曰不有廢也君何以興欲加之罪其無辭乎臣聞命矣伏劍而死於是丕鄭聘於秦故不及

郭

偃

事獻公為大夫惠公改葬共世子臭達於外偃曰甚哉善之難也君改葬共君以為榮也而惡

滋章夫人美於中必播於外而越於民民實戴之惡亦如之故行不可不慎也必或知之十四年君之冢嗣其替乎其數告於民矣公子重耳其入乎其魄兆於民矣若入必伯諸侯以見天子其光耿於民矣數言之紀也魄意之術也光明之耀也紀言以叙之述意以導之明耀以昭之不至何待欲先導者行乎將至矣文公入問偃曰始也吾以國為易今也難對曰君以為易其難也將至矣君以為難其易也將至矣芮公族也其先食邑於卻故以為氏至芮受采於冀故亦曰冀芮少事公子夷吾里克殺奚齊卓子芮使夷吾重賂秦以入是為惠公惠公卒懷公立秦納文公懷公奔高梁呂甥卻芮畏偏將焚公宮而殺文公寺人披請見文公以難告於是文公乃潛會秦穆公於王城既而公宮火瑕甥冀芮不獲公乃如河上穆公誘而殺之

卻

芮

公族也其先食邑於卻故以為氏至芮受采於冀故亦曰冀芮少事公子夷吾里克殺奚齊卓

子芮使夷吾重賂秦以入是為惠公惠公卒懷公立秦納文公懷公奔高梁呂甥卻芮畏偏將焚公宮而殺文公寺人披請見文公以難告於是文公乃潛會秦穆公於王城既而公宮火瑕甥冀芮不獲公乃如河上穆公誘而殺之



狐

突

字伯行其先本唐叔之後在戎狄者為狐氏獻公娶二女於戎大狐姬生文公小戎子生惠公

突以狐姬故事晉為大夫獻公使傅太子申生公使申生將兵伐東山臯落氏衣之偏衣佩之金玦突御戎嘆曰時事之徵也衣身之章也佩衷之旗也故敬其事則命以始服其身則衣之純用其衷則佩之度今命以時卒闕其事也衣之尤服遠其躬也佩以金玦棄其衷也服以遠之時以闕之尤涼冬殺金寒玦離胡可恃也太子敗狄而還既而讒死惠公卒懷公命無從亡人期期而不至無赦突之子毛及偃從重耳在秦弗召懷公執突曰子來則免對曰子之能任父教之忠古之制也策各委質貳乃辟也今臣之子名在重耳有年數矣若又召之教之二也父教子二何以事君刑之不濫君之明也臣之願也淫刑以逞誰則無罪臣聞命矣伏劍而死

狐

偃

字子犯驪姬既讒殺太子申生復譖二公子將逐之獻公二十二年子犯奉公子重耳出奔狄

獻公卒里克使告公子求入而納之公子以告子犯子犯不可已而秦穆公使公子繫弔之曰寡君使繫弔公子之憂又重之以喪寡人聞之得國常於喪失國常於喪時不可失喪不可久公子其圖之重耳告子犯子犯曰不可亡人無親信仁以為親秦人遂納公子夷吾惠公七年重耳去狄之齊過衛衛文公不禮過曹過鄭俱不禮焉及楚楚成王饗之公子辭弗讓子玉請殺之成王曰晉公子廣而儉文而有禮其從者肅而寬忠而能力晉侯無親內外惡之吾聞姬姓唐叔之後其後衰者也其將由晉公子乎天將興之誰能廢之違天必有大咎乃送諸秦秦穆公遂納之及河子犯以璧授公子曰臣負羈縻從君巡於天下臣罪多矣臣猶知之而况君乎請由此亡公子曰所不與舅氏同心者有如此水投其璧於河遂濟入於晉師遂入於曲沃是為文公四年楚伐宋文公率齊秦之師以救宋次於城濮文公夢與楚子搏楚子伏已而盥其腦子犯曰吉我得天楚服其罪吾且柔之矣既戰大敗楚師於城濮文公歸行賞以偃為首

子射始字季佗食邑於賈曰賈季與父皆有從亡之功

先軫 晉大夫食采於原亦曰原軫文公四年楚成王曰報施救患取威定霸於是乎在矣明年卻縠卒先軾自下軍佐超將上軍楚圍宋宋使門尹般來告急公曰宋人告急舍之則絕告楚不許我欲戰矣齊秦未可若之何先軾曰使宋舍我而賂齊秦籍之告楚我執曹君而分曹衛之田以賜宋人楚愛曹衛必不許也喜賂怒頑能無戰乎公說遂入曹執曹伯分曹衛之田以畀宋人子玉使宛春告於晉曰請復衛侯而封曹臣亦釋宋之圍子犯曰子玉無禮哉君取一臣取二不可失也先軾曰子與之定人之謂禮楚一言而定三國我一言而亡之我則無禮何以戰乎不許楚言是棄宋也救而棄之謂諸侯何楚有三施我有三怨怨讎已多將何以戰不如私許復曹衛以攜之執宛春以怒楚既戰而後圖之公說乃執宛春於衛且私許復曹衛曹衛告絕於楚子玉怒從晉師晉

師爲之退三舍次於城濮子玉使鬬勃請戰公許之乃登有莘之虛以觀師曰少長有禮其可用也遂伐宋以益其兵晉師陳於莘北胥臣以下軍之佐當陳蔡子西將左子上將右胥臣蒙馬以虎皮先犯陳蔡陳蔡奔楚右師潰狐毛設二旂而退之欒枝以輿曳柴而偽遁楚師馳之原軾卻縠溱以中軍公族橫擊之狐毛狐偃夾攻子西楚左師潰楚師敗績文公策命於王爲侯伯先軾之功也公卒襄公立秦師將襲鄭先軾曰秦違蹇叔而以貪勤民天奉我也敗秦師於穀獲三帥以歸文嬴請三帥曰彼實搆吾二君寡君若得而食之不厭君何辱討焉使歸就戮於秦以逞寡君之志若何公許之先軾怒曰武夫力而均諸原婦人暫而免諸國墮軍實而長寇讎亡無日矣不顧而唾及狄伐晉公敗狄於箕先軾曰匹夫逞志於君而無討敢不自討乎免胄入狄師死焉狄人歸其元面如生公命其子且居將中軍

介子推 文公之微臣也始文公爲公子出亡從者五人既歸而卽位群臣多自以爲功推竊耻之文公

之元年秦送文公至河舅犯要文公而與之盟時推  
 從在船中笑曰天實開公子子犯以為已功而要市  
 於君固足羞也吾不忍與同位乃自隱母曰亦使知  
 之若何對曰言身之文也身欲隱安用文之文之是  
 求顯也其母曰能如此乎與女偕隱至死不復見推  
 從者憐之乃懸書宮門曰龍欲上天五蛇為輔龍已  
 上天四蛇各入其宇一蛇獨怨終不見處所文公出  
 見其書曰此介子推也吾方憂王室未圖其功使人  
 召之則亡遂求所在聞其入縣上山中於是文公環  
 縣上中封之以為介推田號介山曰以記吾過日  
 旌善

胥

臣

字季子食邑於白曰曰季官司司空又曰司空季  
 子獻公之二十一年從公子重耳奔狄文公立  
 以季子為卿代先軫佐下軍文公嘗學書於季子三  
 日曰吾不能行也咫聞則多矣對曰然而多聞以待  
 能者不  
 猶愈也

魏

犇

父曰畢萬畢公高之後萬事獻公為大夫獻公  
 賜之魏故以魏為氏文公為公子出亡犇嘗從  
 之及文公誅不禮于曹且令無入僂負羈之宮免其  
 族以報盤殮之惠犇與顛頡怒曰勞之不圖報于何  
 有僂僂負羈氏犇傷于胸公欲殺之而愛其材使問  
 且視之病將殺之犇束胸見使者曰以君之靈不有  
 寧也距躍三百曲踊三百乃舍之殺顛  
 頡以狗犇卒謚武子絳嗣為大夫謚莊

荀林父

字伯文公時為戎御文公五年作三行以禦狄  
 林父將中行故別稱中行氏景公二年代卻缺

為政楚子入鄭六月晉師救鄭林父將中軍先穀佐  
 之士會將上軍卻克佐之趙朔將下軍欒書佐之趙  
 括趙嬰齊為中軍大夫鞏朔趙穿為上軍大夫荀首  
 趙同為下軍大夫韓厥為司馬及河聞鄭既及楚平  
 林父欲還曰無及於鄭而勦民焉用之楚歸而動不  
 後士會欒書皆然之惟先穀不可以中軍佐濟韓厥  
 謂林父曰斃子以偏師陷子罪大矣子為元帥師不  
 用命誰之罪也失屬亡師為罪已重不如進也事之

不捷惡有所分與其專罪六人同之不猶愈乎師遂  
 濟及戰晉師敗于邲林父歸而請死晉侯使復其位  
 卒謚桓子庚景公時為大夫  
 代荀首佐中軍與欒書同功

士會

字季食邑於隨及范故稱隨季或稱范季焉文  
 公時會尚少城濮之戰晉中軍風于澤亡大施

之左旃祁瞞干命司馬殺之以徇於諸侯使茅筏代  
 之師還濟河舟之僑先歸會攝右振旅愷以入于晉  
 獻俘授馘飲至大賞徵會討貳殺舟之僑以徇於國  
 民於是大服會與謀焉襄公卒趙孟謀立公子雍使  
 先蔑及會如秦逆雍趙孟背先蔑立靈公潛師夜起  
 敗秦師於令狐會遂與先蔑奔秦七年晉患秦之用  
 會也使魏壽餘偽以魏叛者以誘會歸景公七年春  
 會帥師滅赤狄甲氏及留吁鐸辰三月獻狄俘景公  
 請於王以鞮冕命會將中軍且為太傅卒謚武子文  
 子變初卻克之怒齊也誓欲報之武子乃請老卻獻  
 子為政文子退朝而暮武子曰何暮也對曰有秦客  
 庾辭於朝大夫莫之對也吾知三焉武子怒曰大夫

非不能也讓父兄也爾子而三掩眾於朝吾不在  
 晉國亡無日矣擊之以杜卻子伐齊師勝而反文子  
 後入武子曰無為吾望爾也乎對曰師有功國人喜  
 以逆之先入必屬耳且為是代師受名也故不敢武  
 子曰吾知免矣故文子  
 為政有令各晉國賴之

陽處父

晉大夫文公以為狐鄆謂之陽太傅文公九年  
 楚鬬辛請平於晉公使處父報之晉楚使命之

交始於此襄公七年蒐于夷作三軍使狐射姑將中  
 軍趙盾佐之處父至自温改蒐于董易中軍陽子成  
 季之屬也故黨於趙氏且謂趙盾能曰使能國之利  
 也是以上之襄公薨靈公少趙孟欲立公子雍賈季  
 曰不如公子樂使召公子樂於陳趙孟使殺諸郟賈  
 季怨陽子之比於趙孟且易其班也而知其無援於  
 晉使續鞫居殺處父趙孟  
 於是殺鞫居賈季奔狄

郤缺

芮子也初曰季使過冀見缺耨其妻饁之相待  
 如賓與之歸言諸文公曰敬德之聚也能敬必

有德德以治民君請用之文公以為下軍大夫襄公二年晉伐衛取其邑靈公元年趙盾為政缺曰日衛不睦故取其地今已睦矣可以歸之叛而不討何以示威服而不柔何以示懷非威非懷何以示德無德何以主盟子為正卿以主諸侯而不務德將若之何宣子說之成公六年趙盾卒缺為政卒謚成

**知 瑩**  
 知莊子荀首之子林父之季第也莊子別食知邑故別稱知氏景公二年楚人入鄭既成而去之桓子帥師救鄭欲還彘子不可莊子曰此師殆哉既濟而戰遂敗績楚熊負羈囚瑩以歸莊子射連尹襄老獲之遂載其尸射公子穀臣囚之以二者還十一年莊子佐中軍欲囚鄭而歸王子與襄老之尸以求瑩所善鄭皇成言之于楚王許之明年歸瑩于晉王送之曰子其怨我對曰二國治戎臣不才不勝其任以為俘馘執事不以釁鼓使歸就戮君之惠也臣實不才又誰敢怨王曰然則德我乎對曰二國圖其社稷而求紓其民各懲其忿以相宥也兩釋纍囚以成其好二國有好臣不與其誰敢德王曰子歸何

以報我對曰臣不任受怨君亦不任受德無怨無德不知所報王曰雖然必告不穀對曰以君之靈纍臣得歸骨于晉寡君之以為戮死且不朽若從君惠而免之以賜君之外臣首其請于寡君而以戮于宗亦死且不朽若不獲命而使嗣宗職次及于事而帥偏師以修封疆雖遇執事其弗敢違其竭力致死無有二心以盡臣禮所以報也王曰晉未可爭重為之禮而歸之後代韓厥為政卒謚武

**樂**

**書**

公族也靖侯孫樂賓食邑于樂故以為氏世為卿景公三年書佐下軍從荀林父救鄭十一年

書為下軍將從郤克伐齊十三年代郤獻子為政卒謚武

**解**

**揚**

字子虎晉大夫也景公六年楚圍宋宋人使樂嬰齊來告急公欲救之伯宗不可告且待之乃使揚如宋使無降楚曰晉師悉起將至矣鄭人囚而獻諸楚楚子厚賂之使反其言不許三而許之登諸樓車使呼宋人而告之遂致其君命楚子將殺之使與之言曰爾既許不穀而反之何哉非我無信女則

粟之速卽爾刑對曰臣聞之君能制命為義臣能承命為信信載義而行之為利謀不失利以衛社稷民之主也義無二信信無二命君之賂臣不知命也受命以出有死無實又可賂乎臣之許君以成命也死而成命臣之祿也寡君有信臣下臣獲考死又何求楚子舍之以歸晉爵之為上卿

伯宗

晉大夫孫伯糾之子也景公十四年梁山崩公以傳召伯宗遇大車當道而覆立而避之曰避傳對曰傳為速也若俟吾避則加遲矣不如疾而行伯宗喜問其居曰絳人也問絳事焉曰梁山崩將召伯宗謀之問將若之何曰山有朽壤而崩可若何國主山川故山崩川竭君為之不舉降服乘縵徹樂出次祝幣史辭以禮焉其如此而已雖伯宗若之何伯宗請見之不可遂以告而從之

卻克

成子之子也嗣成子佐上軍景公八年使克徵婦人笑於房克怒出而誓曰所不此報無能涉河克歸請伐齊公弗許請以其私屬又弗許范武子乃請

老克代為政十一年衛孫桓子魯臧宣叔以戰敗怒于齊皆來乞師同主於克公許之七百乘克曰此城濮之賦也有先君之明與先大夫之肅故捷克於先大夫無能為役請八百乘許之克將中軍士燮佐上軍欒書將下軍韓厥為司馬以救魯衛六月及齊師戰於鞏齊師敗績逐之三周華不注韓厥中御而從齊侯幾獲之逢丑父與公易位故免齊侯使賓媚人賂以紀甌玉磬與地不可則聽客之所為賓媚人致賂克不可曰必以蕭同叔子為質而後齊之封內盡東其畝使臣辭克許之及齊國佐盟於袁婁師還明年齊侯朝於晉將授玉克趨進曰此行也君為婦人之笑辱也寡君未之敢任卒謚獻

仕國之仕非盡仕國之產然既有事斯土則其人固不

可湮也節擷片嫩蓋曰一事傳則一人傳一人傳則不

祇一事傳云爾

古蹟

古晉城

在縣南二十五里城故址周圍九里十三步晉獻公都此左氏曰士蔦城絳以深其宮史記曰獻公

城聚都之命

曰絳始都絳

晉圈羊城

址在縣東南三十里永固村

屠岸賈城

址在縣東南二十五里

九層臺

在古晉城東晉獻公為驪姬二子築九層臺以為觀荀息諫曰臣能累十二棋子加九卵於其上公曰危哉息曰不危公造九層臺三年不成男不耕女不織亦甚危矣公遂止其役今其遺址建涼馬寺

鬪雞臺

在縣南三十里楊威村晉公子鬪雞處

公孫杵臼窰

在縣西北二十五里盤道村

韓厥旗架

在縣西六里厥店廟前以石為之

三室之邑

羊舌職好直不容于晉去而之三室之邑邑人攘羊而遺之職不受其妻叔姬曰不如受而埋之乃盛以甕埋壚陰及攘羊事敗吏至發而視之舌尚在吏曰君子哉羊舌子不與攘羊矣故茲地今名

羊舌坊去邑城二十五里在古晉城東十里

白波壘

在縣東南三十五里永固村漢靈帝中平六年黃巾餘賊郭泰於河西白波峪築壘禦別寇後黃巾

子奇壘

在縣東三十里臨汾里後秦王姚興遣弟子奇為將軍率四萬人伐魏攻平陽陷之遂據此壁

蒙坑

魏軍大至截汾水以守之子奇大敗投汾水其將狄伯支與其兵皆為魏所擒今壘上有村曰柴莊前代用兵每以此為奇險之地今南北數十里坦然已成大道而馳騎過之忽如身墮井底者前有驛後

有邨皆以蒙名猶想見昔時之險陷難度陰森駭人也前輩有言曰蒙坑今可名爲蒙亨矣噫是可遽言康莊哉在縣東四十里

太平古城二一在縣北二十五里今爲古城鎮其北卽古者今改爲北故縣

文中子土龕在縣東南汾水之西龍門溝北昔文中子讀書於此其洞深廣二丈餘號文中子洞

白牛溪唐史稱王文中居白牛溪教授門人甚衆今邑東南三十五里萬王村有文中墓墓傍有龍門溝溝中雖溪流已絕而流水故跡蜿蜒可尋其傍又有文中土龕則所謂設科授教地也意昔之名白牛溪者此卽

飲馬路在縣東五里昔尉遲敬德飲馬於汾故有此路今已開種夏禾盛時苗不甚茂其跡宛然至冬則民

龍谷水在縣南三十五里南柴村經流絳州左傳云龍見絳郊卽此

寺觀

浮屠老子之宮所在林立安得快舉如梁公其人者乎有賜額則書存賜額也有勝跡則書存勝跡也或有官署或有碑記亦所以存也否則按其名而類記之示裁也

慈氏院在縣城內西南隅明正統十四年重修置僧會司於內國朝順治十二年南康廂毛大鵬張罷猷

募修其一在縣西南二十里南王村元皇慶三年重修內有轉輪藏及佛經甚多

涼馬寺在縣東南二十五里北柴村東卽晉獻公九屠臺遺址漢永平年間建宋嘉祐七年賜今額



善惠寺

在縣西八里北膏腴內有塔北齊天統二年建初名敬屈宋嘉祐八年賜今額

雲壽寺

在縣東北十五里連村後梁貞明三年建初名遠果金大定十三年賜今額又一在縣西南十五里

賈岡村元至元年間建國朝順治十八年邑儒士王登魁主修子進士錫韓有記。上御極之六載

余邑雲壽寺告成是役也始于順治之十八年先是寺傾圮有日矣家大人憫焉爰董修之而共勦厥事

者則余族等若而人及南北院等若而人計工自寶相莊嚴而外重葺正殿三南殿三東西廡各五環牆

以磚甃之又新增北廊五南左房一右門樓一凡土木工匠之費約四百金有奇閱七載工廼竣遂屬余

為文以記之余惟釋氏之教奚自來乎天下道一而已矣其人則士農工商也其習則禮樂射御書數也

其倫則君臣父子夫婦昆弟朋友之交也然則釋氏之教又奚自來乎蓋葺論之賞罰者帝王之權也權

正而道以行經傳者聖賢之教也教立而道以明然以天下人之眾匹夫匹婦之愚每有權所不及施教

所不及勸而洗心滌慮反怵然于釋氏因果之說此何以故蓋教有以正及者譬之布帛菽粟之不可無

也教有以旁出者譬之柑栗橘柚其味相反而皆適於口也今家大人暨諸執事年且髦其與人為善之

心無地不存而特寄其槩於是此物此志也夫不然佛之身且不有矣而何有於身後之相相既不有矣

而又何有於崇身後之相之功乎哉人亦有言大千世界之中何者是佛又何者非佛鄉之人得此意而

存之將履其地而善興不履其地而善亦興有無待入廟而思敬者是則家大人與人為善之心也其於

聖天子及良有司化民成俗之意或少有裨乎於是乎書

慈蔭寺

在縣東北十八里柴王村明萬間勅額貯有藏經及欽賜衣鉢并頒藏御牌旗楯之屬

永慶院

在縣東十五里南賈村金昌明三年建明初村舍俱火此院巋然獨存國朝順治十六年重修進

士李敏有記。余註之有永慶院初不知其創于何代也有鐘焉甚古其聲宏以越銘鑄元人姓氏故

老相傳以爲建自金昌明三年而元其繼之者也然院之西多柏奇崛作虬龍狀識者以爲唐元和間物院之建實自此始理或然也歷年既久重修者不一二次求其厥宇廓基而功德爲最盛者則明治年間之住持僧曰惠鸞也嗣是風風雨雨閱百餘載而鄉之人始有修舉之議鳩其工蓋自明崇十年起也若夫因其舊而擴更之者則南北二殿也鐘樓也從其新而肇興之者則護法伽藍二殿也東西兩廊各三間也窰二孔也門樓一座也至于金粧寶飾而莊嚴具足者則諸佛菩薩前後兩堂也羅漢護法二十尊也其間功用浩繁或作或休而落成之日是爲皇清順治之十六年也董其役者誰院之僧會司明慈也明慈爲余言事之遂實惟諸檀越之力是不可無以記之也噫記之者志實也志其時志其人志其事足矣至於佛說之有無則置之存而不論之列此余之所以書也

準提菴

在縣慈氏院東 國朝康熙十九年知縣吳軫建住持僧照明募緣王邦泰王 述督工

福緣菴

在縣北十里鋪

善慶菴

在縣南七里溝渠頭橋上二菴俱施茶處

長春觀

在縣北關廂明正統十三年重修置道會司於內

真遊觀

在縣東四十里伯皇村西中多柏其紋旋紐皆千百年物殿前一株甚茂幹分三枝號三清柏相傳

唐天寶八年四月一日東北村王叟種瓜於陽坡方治苗忽見一道人紫衣金冠貌甚偉自東南來向叟索瓜叟曰方今初夏安得有瓜道人指云此瓜已熟何言無也叟隨所指視之卽有二瓜其香倍異道人忽失所在叟大駭鄉人咸曰此仙瓜也因表進長安上賞之仍命於瓜所建觀額曰真遊

修真觀

在縣南關西高阜處殿壁間人物元朱好古筆精妙入神有鐘傳聲聞百里今猶聽三十里外

天壽觀

在縣汾東東北村唐賜額卽今之南壇也八卦攢頂木不加斲俗傳爲魯班所造

至于故縣之善惠寺史威之普淨寺古城之聖壽寺柴寺之普照寺西牛之廣教寺吉村之廣化寺西毛之華嚴寺南膏腴之福建寺荀董之崇福院縣西北二十五里之靈巖院萬故縣之龍泉院申村之玉泉院焦彭之文殊院相李之洪福院縣東北三十里之崇教院西安里及小趙之太平院三公村之普明院南毛之興教院西賈之清涼院上魯之洪濟院縣西門外之慈航洞縣西二里之家姑洞西毛溝之留雲洞縣西南十五里之太和洞縣西二十里之八仙洞盤道之子孫洞縣東南

之家村菴南關及柴王之保真觀縣西門外及南關之長清觀西村之棲真觀姚村之洞微觀永固之天真觀北李之言真觀相李之天元觀北故縣之全真觀德西毛之太微觀上魯之太玄觀北柴之玉真觀俱民間之膏血蚩蚩者誘惑以供簪剃野客之棲也存其名可矣

陵墓

古軒轅陵

在縣東三十里上魯村東汾河內有石棺以鐵束之隱見不時世傳以為軒轅棺云

伯益墓

在縣東四十里北社村有木一株枯久復生傳以為異

周趙宣子墓

在縣南十五里汾陽村

程嬰墓 在縣西七里程公村

韓厥墓 在縣西七里厥店村

公孫杵臼墓 在縣西北十里三公村

李將軍墓 在縣西五里孝子村趙將李牧也明萬中奉文以墓傍地六十二畝三分五釐七毫為

學田其塚塋占地三畝九分七毫侵者有禁

漢絳侯墓 在縣東北七里郭店村漢太尉周勃也

隋文中子墓 在縣東南三十里萬王村北國朝康熙五十九年裴君錫捐地三分七釐六毫裴君龍

捐地一畝九分四釐七毫五絲王世龍捐地七分六釐八毫三絲永為墓田

唐鄭王墓 在縣東八里南李村南唐宗室李繼恩也明萬中奉文以墓傍地三十畝九分二釐五毫為

學田其塚塋占地三畝三分二毫侵者有禁

甯府君墓 在縣北二十里相李村唐時人失其名

金李尚書墓 在縣西南七里名愈正隆間進士官刑部尚書封隴西郡侯為人慷慨尚志節在朝多所

建明卒謚清獻著有狂愚集

元張府判墓 在縣東北十里北李村名懷英字世傑孝義傳中所載張利之子丰姿灑落髯長尺餘好

學工詩有燕趙奇士之稱官終成都府通判墓前有碑

毛元帥墓 在縣東二十里東張村元時人名貴

按舊志載毛墓而失記其名相傳元末將軍毛貴投誠于明後因陣亡勅葬此地據通紀毛貴作亂山東順帝至正十九年為其黨趙君用所殺彼時明祖征旗猶未北指里俗之傳似不足信否則先朝或另有

毛貴其人者乎

明御史馬鸞墓

在縣南五里

知府馬聰墓

在縣南五里與父同坐編修亢思謙誌

同知李誠墓

在縣東南賈堡東一里男鉞誌

兵備李鉞墓

在縣東南賈堡東一里御史賀銳誌

封布政王應時墓

在縣西南七里大學士王家屏誌

戶部侍郎王體復墓

在縣南五里舖東萬勅建大學士方從哲誌四十二年

參政郭萬里墓

在縣東上魯村北

少卿楊天民墓

在縣東十五里都御史程紹誌

同知張爾恕墓

在縣北十里中黃村西南都御史孫鼎相誌

運使張光宇墓

在縣南二十五里晉城北右春坊王祚遠誌其銘曰代舒逸翮摩

天翔世德世望嘉重光誰其踵之公頡頏有偉後先聲琅琅秦關大旆入遐方燕寢清香逐海王持此冰心矢上蒼所在尸視媿庚桑金緋三世被龍章穀貽孫子發長祥食報寧云涉杳茫視余片碣千秋芳

參政張雲翼墓

在縣東西張村南都御史曹于汴誌

主事盧以岑墓

在縣北三十里侯村北

副使張鯤化墓

在縣西北中黃村北御史王奐曾誌

知府王椿墓

在縣南武政侍郎趙京任誌

員外郭衛宸墓

在縣東北小張村北刑部尚書白謙誌

國知府王琦墓 在縣南二十五里龍香坡

知府王迎墓 在縣南趙康鎮

烈女衛好艾墓 在南賈廂王村莊

烈女王興娥墓 在縣南北眾村

祀鄉賢知縣李敏墓 在縣東二十里南賈村東北

祀鄉賢知縣王錫韓墓 在縣西十里賈岡村東南

贈吏部郎中王履浩墓 在縣北曹路村南

祲祥

周敬王六年龍見於郊 今縣龍谷水其地也

貞定王三年地震

考王八年彗星見

十三年桃杏冬實

威烈王三十年冬十一月有大火下於晉北方其聲如

鼓

漢安帝延光二年三月大風拔樹

桓帝永壽二年七月地裂

靈帝建寧四年五月雨雹 地裂

晉武帝太康元年五月雨雹傷麥豆

魏宣武帝正始元年甘露降於九原山 是年為梁武帝天監三年武帝有疾

使臣朱明月求甘露於九原山得之

唐太宗貞觀二十一年秋旱

穆宗長慶四年蚘蚋害稼

懿宗咸通六年正月大風拔木 十二月地震

八年正月丁未地大震

宋太祖建隆四年六月蝗

太宗太平興國七年春旱

金衛王大安元年地震

元成宗大德七年秋七月地大震

九年地震 平陽改晉寧路在此時

十八年春三月庚子妖兵破城 焚文宣王廟殺掠人民存僅二百餘家

順帝至正二十七年正月巳未夜聞天鼓鳴

明英宗正統六年大饑

憲宗成化二十一年蝗飛蔽日 禾穗樹葉食之殆盡民不聊生多轉於溝壑者

武宗正德十四年大有年 秋禾一本三穗者三之一兩穗者幾半

世宗嘉靖八年春正月朔雨黃沙歲大禳

十一年大旱

十五年雨雹傷禾平地深尺許

二十年夏日食既太白晝見

二十四年四月十一日午時鄉雲五色見日邊長二丈許

廣二三尺  
良久乃散

三十四年十二月十三日子時地大震官民房舍損者十之六人

畜壓死  
甚衆

四十四年旱

穆宗隆慶二年大旱

神宗萬曆八年彗星見于東約二丈月餘方息

十一年大雨雹

十三年春隕霜 秋大旱

十四年大荒野無青草斗米銀三錢民削樹皮以食餓孳盈野瘟疫盛行死者枕藉

十五年荒

十六年旱疫歷年天災不絕死者無算兒方墮地棄之中野上聞發帑金賑之

二十五年八月池塘水溢說者謂之水淫主秋雨果應

二十七年大旱斗米銀二錢半山川草木無復寸皮母子夫妻相抱而立斃者多矣



三十五年秋大稔

四十一年水灾

烈帝崇元年秋旱

二年大旱民饑冬有寇警

三年三月二十六日兵燹至陝中賊自豁都谷出焚殺諸鄉歲無寧日後直

薄城下魏令親操火器禦之創建磚城始此邑人

王椿有禦寇疏○奏為流寇披猖蚤救災黎事臣邑

山西太平今歲三月被流賊數百餘人突入鄉村橫

恣搶掠以至五月七月十月臣方恪職秋曹不遑問

家乃忽于本月十二日見臣同縣兵部主事張鯁化

遣義男張定入京上疏而且貽手書于臣謂賊此時

正在臣邑左近猖狂其西北諸鄉如故城鎮尉村膏

腴中黃西安西姚盤道數十餘莊廬舍俱燼屍骨橫

地之

鋪臣邑斗大一城恃知縣魏公韓膽智可以護守然

無兵無餉力寡難支伏望特諭林此陪危責成諸臣

驅賊務欲其盡奏報必歸于確母以紙上之空談

罔裨當局之實用臣可勝悚慄激切待命之至

六年大旱冬十月鷄鳩至雉體鼠足不能樹棲飛集若蝟毛出北方沙漠

七年大荒民食榆皮槐豆蒺藜子以救須臾

八年大饑

九年四月奉旨發帑金二萬賑濟

十一年蝗

十二年旱蝗

十三年大旱汾水竭 饑民自南而北逃者不絕

十四年大荒 斗麥銀一兩米八錢城中罷市人相食

十六年十二月多風霾 次春闖寇入城追餉縉紳刑酷三木毀舊家牌坊運木石

于西安至十月敗歸席捲關城居民而去得生回者僅十之二三

十七年三月日暈 有如四日

國朝

世祖章皇帝順治四年蝗

五月秋七月大雷雨 汾水漲溢兩岸樹梢皆沒

六年十月初八日更樓擊鼓火出 是年以大同姜襄之叛正官逃去府

營旗鼓官李長春來攝打拆南北東三關未旬日土賊入城殺之人以為鼓妖之應比大兵攻降而市塵已成瓦礫矣

八年冬十月朔晝晦

十一年春流星貫月食頃方退 獲豹 豹在蒿村樹上射之隕

今上康熙元年夏五月有星貫月三月初昏月在兌有星

穿月而出 秋八月霽雨 牆屋坍塌或借祠廟以居

四年夏五月太白經天 秋九月彗星見

七年春正月彗星見 夏六月太白經天十七日地

震

十年四月二十五日太風折先師廟柏

十一年秋穀瑞 一本二穗三穗者所在有之

蝗夜過不為災 有彗晝見

十四年冬有盜殺人于先師廟

十七年秋七月霖雨 一夕舊牆老屋塌毀幾盡

九月大雪 合抱之樹至有壓折者

十八年秋八月霖雨 牆堡修補已完者復毀

十九年冬十二月長星見

二十一年秋八月霜殺穀

二十二年夏四月有霜

二十三年秋霖雨四十餘日

三十一年壬申春不雨

三十二年癸酉元日日食

三十四年乙亥夏四月地大震 初六之夕忽有聲自西北來俄頃屋宇皆

如鋪地者塵漲迷天人有壓死者至歲終不止上命戶部尚書馬齊賫帑金賑之

三十八年庚辰夏虫灾

五十六年十二月十一日日有冠文有兩珥 初學記日日冠

者如半暈也法當在日上有冠文有兩珥者尤吉

五十八年二月二十一日日有寇交

五十九年春風霾流傳人家堵砌及器物上見有錢踪

六十年夏旱無麥去年穀豆薄收至是比舍饑甚啼號而死者日有之

六十一年夏旱

秋虫蝨傷禾其地邑歲頻饑民大苦

十一月十五日冬至二十二日雨

雍正元年夏旱收薄

二年春愆雨收薄

三年雨暘時若名歌大有

### 雜志

淮南子云伯益鑿井而龍登 雲神棲崑崙

周威烈王時晉有三大犬率眾犬數萬聚于絳殺一犬于

東方一犬于西方

晉惠公元年改葬恭太子申生秋狐突適下國遇太子

太子與載而告之曰夷吾無禮余得請於帝矣將以晉

畀秦秦將祀余對曰臣聞之神不歆非類民不祀非族

君祀無乃殄乎且民何罪失刑乏祀君其圖之君曰諾

吾將復請七日新城西偏將有巫者而見我焉許之遂

不見及期而往告之曰帝許我罰有罪矣敝於韓

晉文公時宰人上炙而髮繞之文公讓宰人宰人曰臣有死罪三援礪砥刀利猶干將肉斷而髮不絕臣之罪一也援椎貫髮而不見髮臣之罪二也奉炙爐炭肉盡赤紅炙熟而髮不焦臣之罪三也堂下得微有嫉臣者乎乃召其黨詰之果然誅陰繞髮者

文公之爲盟主也崇大諸侯之館館如公寢圻人以時平易道路諸侯賓至旬設庭燎巾車脂轄隸人牧圉各贍其事賓至如歸焉卽此見當日宮室館宇所在闕侈

雖方伯之都不啻帝畿之富麗也

隋王度文中子兄也大業九年以御史出兼芮城令令廳前有一棗樹圍可數丈不知幾百年矣前後令至皆祀謁此樹不則殃禍立及度曰妖由人興淫祀宜絕縣吏皆叩首請度不得已爲之一祀然陰念此樹當爲精魅所托人不能除養成其勢乃密懸古鏡于樹其夜二鼓許聞廳前磊落有聲若雷霆者起視之則風雨晦冥纏繞其樹電光晃耀忽上忽下至明有一大蛇紫鱗赤尾綠頭白角額上有王字身被數創死于樹下度命出蛇

焚于縣門仍掘樹樹心有一穴入地漸大有巨蛇蟠泊  
之迹妖遂絕其年冬度持節河北道開倉賑給陝東時  
天下大饑百姓癘疫度使小吏張龍駒持鏡照之諸病  
者皆愈其夜龍駒夢一人朱衣紫服曰我鏡精也名曰  
紫珍

元某歲久不雨時縣民有陳氏某者殺其兄行賄緩獄蔓  
引逮繫者三百餘人至五年不決平陽路總管府判官  
王暉鞠之一訊卽得其實乃盡出所逮者是夕大雨

明張雲翼爲諸生時恒嗜奕一日對局倦假寐几間竄關  
帝訶曰不讀書只下棋張驚寤心凜然及登第後參政  
滇南還次粵西時有寇戒擬詰旦候同鄉某爲護持計  
夜半僕輩覺門外有步履聲潛窺之則帝金甲綠袍峻  
聲曰我亦同鄉何不見我卒無虞而歸

李蒙養字聖堦小字卯丁積學力行久不遇夢神授以  
一聯云石兔遇犬送蒼龍得雲飛至天啟丁卯年逾五  
十果與本社師望雲同舉於鄉本房爲苟好善先生始  
知神言之徵

國朝順治五年大雷雨汾流高漲及水落灘出突有轍跡

兩條蜿蜒而抵于河人皆神之

趙敏爲諸生將應舉夢人持一試卷授之曰此不中式  
卷也指旁數兒謂此汝同年敏常念不中安有同年何  
當更此卷者至順治戊子夢前所夢人復持一試卷曰  
易前卷此中卷也榜發同捷爲王公而潛李公 敏鄭  
公明良俱少敏二十內外歲憶初夢正其兒時

近年有營葬穿墻而遇古穴者窺其甃砌堅緻采繪人  
物之狀完好如初尸體衣佩仰卧在牀有若寢息衾褥  
枕席都未損動或以幽室久閉未可輕入及入之觸風  
輒化前之所見一切如掃亦不知何時有此葬法說者  
疑爲金元間事然史傳中亦未之見也

太平縣志卷第八

藝文志

河洛開天地之先書契繼結繩之後第有露於菁華均  
爲光於法象惡得而掩旃作藝文志

志藝文則晉乘其首矣然晉乘今則安從而問乎益之  
謨文侯之命唐魏之風非邑之故乎而猥以記一篇律  
一首當之乎若唐詔之僅見其名仲淹續經之槩存其  
目雖先儒之論亦不願遂泯泯也今具錄出之附以近  
世之述作使後之好學博古奮志于道者睹遺編而思



所以興起步趨爲不朽之計焉

自唐顯慶中不經鳳閣鸞臺不得稱敕而敕之名始定  
卽書之曰命曰誥也詎不重哉蓋慎其文非僅存其事  
云

宋元豐封程嬰公孫杵曰敕

趙氏之先始大於晉下宮之難程嬰公孫杵曰以死脫  
孤兒復存趙宗忠義著焉自昔有功于世者罔不廟食  
况國家胄緒之所出嬰杵曰有立孤續絕之德而常祀  
不載良爲闕典朕命使者訪其塋墓而得之於絳宜卽  
建祠疏封侯爵威靈如在永食厥土程嬰宜特封成信

侯公孫杵白宜特封忠智侯

明正統旌義民敕

李德義

丁明益

國家施仁養民爲首爾能出米一千一百石用助賑濟

有司以聞朕用嘉之今特賜敕獎諭勞以羊酒旌爲義

民仍免本戶雜泛差役五年尚允蹈忠厚表勵鄉俗用

副朝廷褒嘉之意欽哉

太平縣志卷第八終

